

水經注釋

ル 5
139
2



水經注釋卷三

139
2

水經注釋卷三

所經

仁和趙一清誠夫錄

河水三

河水又北過北地富平縣西

河側有兩山相對水出其間即上河峽也世謂之爲青

山峽河水歷峽北注枝分東出一清按太平寰宇記慶

箭筈嶺與青山相連互有馬嶺坂左右帶川相傳漢之

牧地也有水出縣西北注水經云與青山合今本無

之樂蟠縣漢北地郡富平縣地章懷後漢書注云青山

在北地參綠界青山中水所出也續志北地郡參綠縣

故屬安定有青山馬河水又北逕富平縣故城西秦置

北部都尉治縣城尉一清按漢志北地郡富平縣北部都

尉治神泉障云治在障則非縣城矣

道元王莽名郡為威戎縣曰持武建武中曹鳳字仲理
為北地太守政化尤異黃龍應于九里谷高岡亭角長
三尺大十圍稍至十餘丈天子嘉之賜帛百匹加秩中
二千石河水又北逕薄骨律鎮城城在河渚上赫連果
城也桑果餘林仍列洲上但語出戎方不究城名訪諸
耆舊咸言故老宿彥云赫連九世有駿馬死此取馬色
以為邑號故目城為白口騶韻轉之謬遂仍今稱所未
詳也一清按漢志北地郡靈州縣有河奇苑號非苑師
古曰苑謂馬牧也水中有可居者曰洲此地也在河
之洲隨水高下未嘗淪沒故號靈洲又曰河奇也二苑
皆在北焉方輿紀要漢靈州縣其後赫連夏據其地後
魏主燾滅之太延二年置薄骨律鎮在河渚上孝昌中
改置靈州初在河北後于果園所築城為州治駿馬之

稱或因漢舊牧苑而得也寰宇記薄骨律渠在迴樂
縣南六十里溉田一千餘頃迴樂縣即漢富平縣地

河水又北逕朔方郡宏靜鎮典農城東宇記引此注作

宏靜縣非也隋圖經云宏靜縣本漢城居河外三里乃
舊傳薄骨律鎮倉城也後魏立宏靜鎮徙關東漢人以
充屯田則縣是周世謂之胡城又北逕上河城東世謂

之漢城薛瓚曰上河在西河富平縣即此也馮參為上

河典農都尉所治也厄林曰漢書馮參為上河農都尉

官志武帝時邊郡置農都尉主屯田殖穀建武六年邊
郡往置都尉注引漢官儀曰農都尉不治民御覽引
魏略曰曹公置典農中郎將秩二千石然則漢官無典農都尉秩六
百石典農校尉秩比二千石然則漢官無典農都尉秩六
始更耳水經及注作典農皆非梁統傳光武拜梁騰酒
泉典農都尉尉宗亦誤一清按續志注農都尉以下無
漢官儀一條而御覽所引魏略之文則見于大司農之
下作魏志也然愚竊有疑者裴世期注三國志引先賢

行狀云陶謙表陳登為典農校尉則在曹氏之先
已有典農之稱矣此與厄林所引范書可參證也河水

又北逕典農城東俗名之為呂城皆參所屯以事農毗

河水又東北逕廉縣故城東王莽之西河亭地理志曰

卑移山在西北河水又北與枝津合水受大河東北逕

富平城所在分裂以溉田圃北流入河今無水爾雅曰

澶反入言河決復入者也河之有澶若漢之有潛也河

水又東北逕渾懷障西地理志曰渾懷都尉治塞外者

也一清按漢志北地郡富平縣
渾懷都尉治塞外渾懷障太和初三齊平徙歷下

民居此遂有歷城之名矣南去北地三百里河水又東

北歷石崖山西去北地五百里山石之上自然有文盡

若獸馬之狀粲然成著類似圖焉故亦謂之畫石山也

又北過朔方臨戎縣西

河水東北逕三封縣故城東漢武帝元狩三年置十三

州志曰在臨戎縣西一百三十里河水又北逕臨戎縣

故城西漢元朔五年立舊朔方郡治一清按續志云凡
縣名先書者即所

治也此是
東漢郡治王莽之所謂推武也河水又北有枝渠東出

謂之銅口東逕沃壑縣故城南漢武帝元狩三年立王

莽之綏武也枝渠東注以溉田所謂智通在我矣河水

又北屈而為屠申澤南河出焉河水又北逕西溢於窳

渾縣故城東漢武帝元朔二年開朔方郡以縣為西部

都尉治有道自縣西北出雞鹿塞王莽更郡曰溝搜縣
曰極武其水積而為屠申澤澤東西一百二十里故地
理志曰屠申澤在縣東即是澤也闕駟謂之窳渾澤矣
屈從縣北流

河水又屈而東流為北河東逕高闕南史記趙武靈王
既襲胡服自代並陰山下至高闕為塞山下有長城長
城之際連山刺天其山中斷兩岸雙闕峩然雲舉望若
闕焉即狀表目故有高闕之名也自闕北出荒中闕口
有城跨山結局謂之高闕戍上古迄今常置重捍以防
塞道漢元朔四年衛青將十萬人敗右賢王于高闕即

此處也河水又東逕臨河縣故城北漢武帝元朔三年
封代恭王子劉賢為侯國全氏曰代共王子皆封西河
此或是西河之臨水縣一清
按西河近代宜是也
而史漢表俱作臨河王莽之監河也漢武帝元朔二年
大將軍衛青絕梓嶺梁北河是也

至河目縣西

河水自臨河縣東逕陽山南漢書注曰陽山在河北指
此山也東流逕石跡阜西是阜破石之文悉有鹿馬之
跡故斯阜納稱焉南屈逕河目縣在北假中地名也自
高闕以東夾山帶河陽縣以西皆北假也史記曰秦使
蒙恬將十萬人北擊胡渡河取高闕據陽山北假中是

也北河又南合南河上承西河東逕臨戎縣故城北又東逕臨河縣南又東逕廣牧縣故城北有東部都尉治王莽之鹽官也逕流二百許里東會于河河水又南逕馬陰山西漢書音義曰陽山在河北陰山在河南謂是山也而即實不在河南史記音義曰五原安陽縣北有馬陰山今山在縣北言陰山在河南又傳疑之非也余按南河北河及安陽縣以南悉沙阜耳無他異山故廣志曰朔方郡北移沙七所而無山以擬之是義志之僻也陰山在河東南則可矣河水又東南逕朔方縣故城東北詩所謂城彼朔方也漢元朔二年大將軍衛青取

河南地為朔方郡使校尉蘇建築朔方城即此城也王莽以為武符者也

一清按寰宇記夏州朔方縣下引水經曰有濛水合金河而南流初學記引水經注云朔方郡有濛水紫河今本無之陝西行都司志曰高居誨使于闐記云甘州西五百里至肅州渡金河西百里出天關是也方輿紀要云紫河在大同府西北塞外杜佑曰勝州榆林縣有金河紫河自馬邑郡善無縣流入境合金河南流入大河魏道武帝擊劉衛辰自五原金津濟即金河之津

按地理志云金連鹽澤青鹽澤並在縣南矣又按魏土地記曰縣有大鹽池其鹽大而青白名曰青鹽又名戎鹽入藥分漢置典官鹽池去平城宮千二百里在新秦之中服虔曰新秦地名在北方千里如涇曰長安以北朔方以南也薛瓚曰秦逐匈奴收河南地徙民以實之謂之新秦

也

屈南過五原西安陽縣南

河水自朔方東轉逕渠搜縣故城北地理志曰朔方有

渠搜縣中部都尉治王莽之溝搜亭漢書落亭字也禮

三朝記曰北發渠搜南撫交阯此舉北對南禹貢之所

云析支渠搜矣禹貢雖指曰傅同叔云陸氏曰漢志朔

以余考之漢朔方之渠搜非此所謂渠搜此亦當是金

城以西之戎也後世種落遷徙故漢有居朔方者若禹

時渠搜居朔方則不應浮積石陸說非也按水經河水

自朔方東轉逕渠搜縣故城北注云禮三朝記曰北發

渠搜南撫交阯此舉北對南禹貢之所云析支渠搜矣

誤始道元而陸氏因之大戴禮漢武紀並有三朝記語

渠搜與交阯對舉則不在朔方可知涼土異物志曰古

渠搜國在大宛北界隋書西域傳曰鏐汗國都葱嶺之

西五百餘里古渠搜國也渠搜之在西域明矣

河水又逕西安陽縣故城南王

莽更之曰漳安矣河水東逕田辟城南地理志曰故西

部都尉治也

屈東過九原縣南

河水又東逕成宜縣故城南王莽更曰艾虜也河水又

東逕原亭城南關駟十三州志曰中部都尉治原亭今

本漢書作原高疑彼文為誤蓋中部治原亭西部治田

辟與壁同城障之名二語皆孟堅自註道元不應一

引班書一引關志也似十三州河水又東逕宜梁縣之

故城南關駟曰五原西南六十里今世謂之石崖城河

水又東逕稠陽城南一清按漢志此語在東部都尉治

五原郡下而稠陽縣

卷三

六

下反無之道元注于臨沃縣下重敘河水又東逕稠陽縣故城南一地而再見豈別是一城耶殆不可曉也

又東逕河陰縣故城北又東逕九原縣故城南秦始皇

置九原郡治此漢武帝元朔二年更名五原也王莽之

獲降郡成平縣矣西北接對一城蓋五原縣之故城也

王莽之填河亭也竹書紀年云魏襄王十七年邯鄲命

吏大夫奴遷于九原又命將軍大夫適子戍吏皆貉服

矣其城南面長河北背連山秦始皇逐匈奴並河以東

屬之陶山築亭障為河上塞徐廣史記音義曰陶山在

五原北即此山也一清按史記始皇紀云西北斥逐匈奴自榆中並河以東屬之陰山以為

三十四縣城河上為塞徐廣曰陰山在五原北蒙恬傳云于是渡河據陽山徐廣曰五原西安陽縣北有陰山

陰山在河南陽山在河北此陶山似是陰山之誤始皇紀云又使蒙恬渡河取高闕陶山北假中道元以陰山不在河南既于史記之文無碍陰陶字形相似故耳非別有一陶山也劉向七略古文或誤以見為典以陶為類如此全氏曰史記年起自臨洮東暨表是三十三年

遼海西並陰山築長城及關南越地晝警夜作民勞怨苦故楊泉理物論曰秦始皇使蒙恬築長城死者相屬

民歌曰生男慎勿舉生女哺用舖不見長城下尸骸相

支柱其冤痛如此矣蒙恬臨死曰夫起臨洮屬遼東城

塹萬餘里不能不絕地脈此固當死也

又東過臨沃縣南

王莽之振武也河水又東枝津出焉河水又東流石門

水南注之水出石門山地理志曰北出石門障即此山

也西北趣光祿城

一清按漢志五原郡稠陽縣北出石門障得光祿城又西北得支龍城又

西北得頭曼城又西北得 庫河城又西北得宿虜城 甘露三年呼韓邪單于還詔

遣長樂衛尉高昌侯董忠車騎都尉韓昌等將萬六千

騎送單于居幕南保光祿徐自為所築城也故城得其

名矣城東北即懷朔鎮城也其水自障東南流逕臨沃

城東東南注于河河水又東逕稠陽縣故城南王莽之

固陰也地理志曰自縣北出石門障河水決其西南隅

又東南枝津注焉水上承大河於臨沃縣東流七十里

北漑田南流二十里注于河河水又東逕塞泉城南而

東注

又東過雲中槇陵縣南又東過沙南縣北從縣東屈南過

沙陵縣西

大河東逕咸陽縣故城南王莽之賁武也河水屈而流

白渠水注之水出塞外西逕定襄武進縣故城北西部

都尉治王莽更名伐蠻世祖建武中封趙慮為侯國也

白渠水西北逕成樂固北郡國志曰成樂故屬定襄也

魏土地記曰雲中城東八十里有成樂城今雲中郡治

一名石盧城也白渠水又西逕魏雲中宮南魏土地記

曰雲中宮在雲中縣故城東四十里白渠水又西南逕

雲中縣故城南故趙地虞氏記云趙武侯自五原河曲

築長城東至陰山又于河西造大城一箱崩不就乃改

卜陰山河曲而禱焉書見羣鶴游于雲中徘徊經日見

大光在其下武侯曰此爲我乎乃卽于其處築城今雲

中城是也秦始皇十三年立雲中郡縣曰遠服矣按漢

志雲中郡秦置莽曰受降雲中縣白渠水又西北逕沙

陵縣故城南王莽之希恩縣也其水西注沙陵湖按漢

志定襄郡武進縣白渠水又有荒干水出塞外南逕鍾

山山卽陰山故郎中侯應言于漢曰陰山東西千餘里

單于之苑囿也自孝武出師攘之于漠北匈奴失陰山

過之未嘗不哭謂此山也其水西南逕武臯縣王莽之

永武也又南逕原陽縣故城西又西南與武泉水合其

水東出武泉縣之故城西南縣卽王莽之所謂順泉者

也水南流又西屈逕北興縣故城南按地理志曰五原

有南興縣王莽之南利也故此加北舊中部都尉治十

三州志曰廣陵有興故此加北疑太疎遠也其水又西

南入荒干水西南逕白道南谷口有城在右側帶長城

背山面澤謂之白道城自城北出有高阪謂之白道嶺

沿路惟土穴出泉挹之不窮余每讀琴操見琴慎相和

雅歌錄云飲馬長城窟及其板陟斯途遠懷古事始知

信矣非虛言也一清按李善文選注引酈善長水經注曰余至長城其下往往有泉窟可飲馬古詩飲馬長城窟行信不虛也蓋顧瞻左右山椒之上有垣若頽基焉沿谿互嶺東西無極疑趙武靈王之所築也荒干水又西南逕雲中城北白道中谿水注之水發源武川北塞中其水南流逕武川鎮城城以景明中築以禦北狄矣其水西南流歷谷逕魏帝行宮東世謂之阿計頭殿宮城在白道嶺北阜上其城員角而不方四門列觀城內惟臺殿而已其水又西南歷中谿出山西南流于雲中城北南注荒干水荒干水西出塞外懷朔鎮東北荒中南流逕廣德殿西山下余以太和十八

年從高祖北巡屆于陰山之講武臺臺之東有高祖講武碑碑文是中書郎高聰之辭也自臺西出南上山山無樹木唯童阜耳即廣德殿所在也其殿四柱兩厦堂宇綺井圖畫奇禽異獸之象殿之西北便得焜煌堂雕楹鏤桷取狀古之溫室也其時帝幸龍荒遊鸞朔北南秦王仇池楊難當捨蕃委誠重譯拜闕陛見之所也故殿以廣德為名魏太平真君三年刻石樹碑勒宣時事碑頌云肅清帝道振攝四荒有蠻有戎自彼氏羌無思不服重譯稽顙恂恂南秦斂斂推亡峩峩廣德弈弈焜煌侍中司徒東郡公崔浩之辭也碑陰題宣城公李孝

伯尙書盧遐等從臣姓名若新鑿焉其水歷谷南出陰

山西南入荒干水荒干水又西南注沙陵湖一清按漢志定襄郡

武阜縣荒干水出塞外西至沙陵入河湖水西南入于河河水南入棹陵

縣西北緣胡山歷沙南縣東北兩山二縣之間南出余

以太和中爲尙書郎從高祖北巡親所逕陟縣在山南

王莽之棹陸也北去雲中城一百二十里縣南六十許

里有東西大山山西枕河河水南流脈水尋經殊乖川

去之次似非關究也

又南過赤城東全氏曰胡三省云後魏明元帝泰常八年

延袤二千餘里卽此城也但考登國二年幸赤城西至五原

幸東赤城疑有兩赤城而今不可考矣一清按顧景范曰

赤城堡在萬全指揮司東北二百里其地相傳蚩尤所居
後魏主珪登國二年幸廣甯遂如赤城神瑞二年復如赤
城此東赤城也司治卽今宣化府史云幸廣甯遂如赤城
其爲東赤城無疑東赤城見沽水篇注河水所逕之赤城
在朔州 又南過定襄桐過縣西

定襄郡漢高帝六年置王莽之得降也桐過縣王莽更

名椅桐者也河水於二縣之間濟有君子之名一清按

雲州雲中縣下引冀州圖經曰雲中郡南有君子津卽

大河之津又勝州河濱縣下云本漢沙南縣地有君子

津引水經注云今注云河水于二縣之間似指雲中之沙南定襄之桐過而言也昔漢桓帝十

三年西幸榆中東行代地洛陽大賈齋金貨隨帝後行

夜迷失道往投津長日子封送之渡河賈人卒死津長

埋之其子尋求父喪發冢舉尸資囊一無所損其子悉

以金與之津長不受事聞於帝帝曰君子也即名其津

為君子濟濟在雲中城西南二百餘里厄林曰後漢書桓帝再幸函谷

一臨雲夢乘輿齒簿不屆榆中且京雜宅中代賦不為

東地元號屢易紀年不得十三嘉君子之名必非蓋吾

之主案魏收書以猗奄為桓帝幽并之閒水草是逐度

沙漠而飲馬據參合以張瓊故以榆林為西桑乾為左

矣尋厥昆嗣屢遊斯津則桓即猗奄差無乖爽但猗奄

統部止十一年此言十三又非佳證且桑氏已著濟名

則事在漢桓之先矣一清按十三十一字畫譌誤君子

濟名經注混淆方叔之言義猶未盡敢附窺虎之末以

成析酈河水又東南左合一水水出契吳東山西逕故

里南北俗謂之契吳亭其水又西流注于河河水又南

樹頽水注之一清按史記周本紀曰吾聞犬戎樹敦章

昭曰樹立也言犬戎立性敦篤也方輿紀

要云志云周穆王時犬戎樹惇居此有城在甯夏衛西

周涼州刺史史甯曰樹敦賀真二城吐谷渾之巢穴也

魏書地形志朔州神武郡領殊頽縣

今注云樹頽蓋語出戎方音之異耳水出東山西南流

右合中陵川水水出中陵縣西南山下北俗謂之大浴

山其水亦取名焉東北流逕中陵縣故城東北俗謂之

北右突城王莽之遮害也十三州志曰善無縣南七十

五里有中陵縣世祖建武二十五年置一清按班志已

置自光武也司馬彪郡國志云定襄其水又西北右合

郡中陵故屬雁門以言改隸則可耳一水水出東山北俗謂之貸敢山水又受名焉其水自

西北流注於中陵水又西北流逕善無縣故城西王莽

之陰館也十三州志曰舊定襄郡治地理志曰雁門郡

治其水又西北流右會一水水出東山下北俗謂之吐

文水山又取名焉北流逕鉏亭南西流逕土壁亭南西出峽左入中陵水水又北分爲二水一水東北流謂之沃水又東逕沃陽縣故城南俗謂之可不溼城王莽之敬陽也又東北逕沃陽城東又東合可不溼水水出縣東南六十里山下西北流注沃水合流而東逕參合縣南魏因參合陁以卽名也北俗謂之倉鶴陁道出其中亦謂之參合口陁在縣之西北卽燕書所謂太子寶自河西還師參合三軍奔潰卽是處也魏立縣以隸涼城郡也西去沃陽縣故城二十里縣北十里有都尉城地理志曰沃陽縣西部都尉治者也北俗謂之阿養城

其水又東合一水水出縣東南六十里山下北俗謂之災豆渾水西北流注於沃水又東北流注鹽池地理志曰鹽澤在東北者也今鹽池西南去沃陽故城六十五里池水澱渟淵而不流東西三十里南北二十里池北十里卽涼城郡治池西有舊城俗謂之涼城也郡取名焉地理志曰澤有長丞此城卽長丞所治也城西三里有小阜阜下有泉東南流注池北俗謂之大谷堆此水亦受目焉中陵川水自枝津西北流右合一水於連嶺北水出沃陽縣東北山下北俗名之烏伏真山水曰諾升袁河

一清按晉書匈奴右賢王去卑之子曰諾升爰魏書鐵弗劉虎南單于苗裔左賢王去卑之孫

虎父詰升爰一名訓兜詰則此河以人得名爰袁音同通用西南流逕沃陽縣左合

中陵川亂流西南與一水合北俗謂之樹頽水水出東

山下西南流右合詰升袁水亂流西南注分爲二水左

水枝分南出北俗謂之太羅河右水西逕故城南北俗

名之昆新城其水自城西南流注於河河水又南太羅

水注之水源上承樹頽河南流西轉逕武州縣故城南

一清按禹貢錐指云河水折而南逕廢東勝州東入塞其東岸則平鹵衛杜佑曰勝州東至黃河四十里北至

黃河五里西北至黃河二十里平鹵衛在山西大同府西少南二百四十里本漢雁門郡之武州縣隋唐以後

爲朔州地今山西朔州有武州城亦謂之十三州志曰河套魏收地形志恆州代郡領武周縣

武州縣在善無城西百五十里北俗謂之太羅城水亦

藉稱焉其水西南流右水注之水導故城西北五十里

南流逕城西北俗名之曰故槃迴城又南流注太羅河

太羅河又西南流注於河河水又左得滴水口水出西

河郡美稷縣東南流東觀記曰郭伋細侯爲并州牧前

在州素有恩德老小相攜道路行部到西河美稷數百

小兒各騎竹馬迎拜伋問兒曹何自遠來曰聞使君到

喜故迎伋謝而發去諸兒復送郭外問使君何日還伋

計日告之及還先期一日念小兒卽止野亭須期至乃

往其水又東南流羌人因水以氏之漢冲帝時羌湍狐

奴歸化蓋其渠帥也其水俗亦謂之爲遄波水東南流

水經注釋

入長城東鹹水出長城西鹹谷東入滸水又東南渾波水出西北窮谷東南流注於滸水滸水又東逕西河富昌縣故城南王莽之富成也滸水又東流謂之滸口左合一水出善無縣故城西南八十里其水西流歷於呂梁之山而為呂梁洪其山巖層岫衍澗曲崖深巨石崇竦壁立千仞河流激盪濤湧波襄雷奔電洩震天動地昔呂梁未闢河出孟門之上蓋大禹所闢以通河也司馬彪曰呂梁在離石縣西今於縣西歷山尋河並無過岨至是乃為河之巨險即呂梁矣在離石北以東可二百有餘里也

一清按閻氏若璩古文尚書疏證曰道元言呂梁之水勢與龍門無異而以為在離

石離石明之石州改名永甯州者是必求其地以實之永甯州東北則今靜樂岢嵐州之地西去黃河約二百里無所謂河流也土人欲當以河曲縣西南二十五里天橋峽亦有禹鑿之迹天將陰雨激浪如雷幾相似矣而無所謂千仞巨石又南去離石四百餘里皆與酈注不合當闕疑禹貢錐指曰呂梁即禹貢之梁山龍門之南山也尸子呂氏春秋淮南子先言龍門次言呂梁其為夏陽之梁山無疑

又南過西河圖陽縣東

全氏曰漢志西河郡有圖陽圖陰在圖水之陰因以為名也王莽改為方陰則是當時已誤作圖字矣今有銀州銀水之稱即舊名猶存但字變耳然觀善長所見之本御不措豈後人因王莽有方陰之名而妄改為圖字以實之乎

西河郡漢武帝元朔四年置王莽改曰歸新圖水出上

郡白土縣圖谷東逕其縣南地理志曰圖水出西東入

河王莽更曰黃土也東至長城與神御水合水出縣南

神御山夾山東出至長城入於囿囿水又東逕鴻門縣
縣故鴻門亭地理風俗記曰囿陰縣西五十里有鴻門
亭天封苑火井廟火從地中出囿水又東梁水注之水
出縣西北梁谷東南流注囿水又東逕囿陰縣北漢惠
帝五年立王莽改曰方陰矣又東桑谷水注之水出西
北桑谿東北流入於囿囿水又東逕囿陰縣南東流注
於河河水又東端水入焉水西出號山山海經曰其山
木多漆櫟其草多芎藭是多冷石端水出焉而東流注
於河河水又南諸次之水入焉水出上郡諸次山山海
經曰諸次之山諸次之水出焉是山多木無草鳥獸莫

居是多象蛇其水東逕榆林塞世又謂之榆林山即漢
書所謂榆谿舊塞者也自谿西去悉榆柳之藪矣緣歷
沙陵居龜茲縣西出故謂廣長榆也王恢云樹榆為塞
謂此矣蘇林以為榆中在上郡非也按始皇本紀西北
逐匈奴自榆中並河以東屬之陰山然榆中在金城東
五十許里陰山在朔方東以此推之不得在上郡漢書
音義蘇林為是失也全氏曰按胡三省曰蘇林之說固未為盡是而道元所謂榆中在金城東五十許里亦非也衛青取河內地案榆谿舊塞正在唐麟勝二州界其西則接古上郡之境况諸次水出上郡逕榆林塞入河則榆林在上郡之東明矣諸次水無西流至金城之理夷攷其故道元特以金城郡有榆中縣遂牽合之不知其水東入長城小榆水合焉歷澗此誤尤甚于蘇林

西北窮谷其源也又東合首積水水西出首積谿谿東注諸次水又東入於河山海經曰諸次之水東流注于河即此水也河水又南湯水注之山海經曰水出上申之山上無草木而多谿石下多榛楛湯水出焉東流注於河也

又南過離石縣西奢延水注之

水西出奢延縣西南赤沙阜東北流山海經所謂生水

出孟山者也郭景純曰孟或作明一清按八字注中注也西山經曰又北二百二十里曰孟山郭璞曰音于黃本譌孟作孟後之讀者祇聞孟津之為盟津孟豬之為盟豬遂謂字得通用因改郭注以就之而不知其元文之不可掩也然則此八字并非鄭注之舊漢破

羌將軍段熲破羌於奢延澤虜走洛川洛川在南俗因

縣土謂之奢延水又謂之朔方水矣東北流逕其縣故

城南王莽之奢節也赫連龍昇七年于是水之北黑水

之南遣將作大匠梁公叱干阿利沈氏曰是年三月赫連改元鳳翔然後以

阿利領將作改築大城名曰統萬城蒸土加功雉堞雖久崇

墉若新并造五兵器銳精利乃咸百鍊為龍雀大鑲號

曰大夏龍雀銘其背曰古之利器吳楚湛盧大夏龍雀

名冠神都可以懷遠可以柔逋如風靡草威服九區世

甚珍之又鑄銅為大鼓及飛廉翁仲銅駝龍虎皆以黃

金飾之列于宮殿之前則今夏州治也奢延水又東北

與溫泉合源西北出沙谿而東南流注奢延水奢延水
 又東黑水入焉水出奢延縣黑澗東南歷沙陵注奢延
 水奢延水又東合交蘭水水出龜茲縣交蘭谷東南流
 注奢延水奢延水又東北流與鏡波水合水源出南邪
 山南谷東北流注於奢延水奢延水又東逕膚施縣帝
 原水西北出龜茲縣東南流縣因處龜茲降胡著稱又
 東南注奢延水又逕膚施縣南秦昭王三年置上郡治
 漢高祖并三秦復以為郡王莽以漢馬員為增山連率
 歸世祖以為上郡太守司馬彪曰增山者上郡之別名
 也全氏曰朱謀埠曰漢志西河自有增山縣愚謂班固
 不書王莽所改上郡之名是脫文意者莽即以增山

名上郡故司馬彪云然今世本缺失當以水經注補之
 正不碍西河之別有增山縣也馬員字季主新息侯援
 之兄也見後漢書東入五龍山地理志曰縣有五龍山
 本傳及章懷注

帝原水一清按漢志上郡膚施縣有
 五龍山帝原水黃帝祠四所自下亦為通稱也

歷長城東出於赤翟白翟之中一清按赤翟在中山不
 應在此道元注頗滑突

又有平水出西北平谿東南入奢延水又東走馬水注
 之水出西南長城北陽周縣故城南橋山昔二世賜蒙
 恬死于此王莽更名上陵時山上有黃帝冢故也帝崩
 惟弓劍存焉故世稱黃帝仙矣其水東流昔段頰追羌
 出橋門至走馬水聞羌在奢延澤即此處也門即橋山
 之長城門也始皇令太子扶蘇與蒙恬築長城起自臨

洮至于碣石卽是城也其水東北流入長城又東北注奢延水又東與白羊水合其水出於西南白羊谿巡谿東北注於奢延水奢延水又東入於河山海經曰生水東流注於河河水又南陵水注之水出陵川北谿南逕其川西轉入河河水又南得離石水口水出離石北山南流逕離石縣故城西史記云秦昭王伐趙取離石者也漢武帝元朔三年封代其王子劉緡爲侯國後漢西河郡治也其水又南出西轉逕隰城縣故城南漢武帝元朔三年封代其王子劉忠爲侯國王莽之慈平亭也胡俗語訛尙有干城之稱其水西流注於河也

又南過中陽縣西

中陽縣故城在東東翼汾水隔越重山不濱於河也

又南過土軍縣西

吐京郡治故城卽土軍縣之故城也胡漢譯言皆爲譌變矣其城員長而不方漢高帝十一年以封武侯宣義爲侯國一清按漢表云謚式此從史表又索隱曰按位次曰信成侯也縣有龍泉出城東南道左山下牧龍川川上多產名駒駿同滇池天馬其水西北流至其城東南土軍水出道左高山西南注之龍泉水又北屈逕其城東西北入於河河水又南合契水傍谿東入窮谷其源也又南至祿谷水口水源東

窮此谿也河水又南得大蛇水發源谿首西流入河河水又南右納辱水山海經曰辱水出於鳥山其上多桑其下多楮陰多鐵陽多玉其水東流注於河俗謂之秀延水東流得浣水口傍谿西轉窮谿便即浣水之源也秀延水又東會於根水西南谿下根水所發而東北注秀延水又東南露跳水出西露谿東流又東北入秀延水亂流注於河河水又南左合信支水水發源東露谿西流入於河河水又南左會石羊水巡谿東入導源窮谷西流注於河一清按漢志西河郡穀羅縣武澤在西北武澤本日虎澤唐人避諱改之後漢建武二十八年詔南匈奴居西河美稷之虎澤即此澤也胡三省曰虎澤應在五原曼柏之北在今榆林鎮之

東北而是注無聞焉

又南過上郡高奴縣東

域谷水東啟荒原西歷長谿西南入於河河水又南合谿口水出孔山南歷谿西流注於河孔山之上有一穴如車輪三所東西相當相去各二丈許南北直通故謂之孔山也山在蒲城西南三十餘里河水又右會區水山海經西次四經之首曰陰山西北百七十里曰申山其上多穀柞其下多柎樞其陽多金玉區水出焉而東流注於河世謂之清水清水出上郡東流入於長城遼老人山下又東北流至老人谷傍水北出極谿便得水源

清水又東得龍尾水口水出北地神泉障北山龍尾谿
東北流注清水又東會三湖水水出南山三湖谷東北
流入清水清水又東逕高奴縣合豐林水地理志謂之
洧水也故言高奴縣有洧水肥可難一清按俗本漢書落肥字水上
有肥可接取用之博物志稱酒泉延壽縣南山出泉水
大如筥注地為溝水有肥如肉汁取著器中始黃後黑
如凝膏然極明與膏無異膏車及水碓缸甚佳彼方人
謂之石漆水肥亦所在有之非止高奴縣洧水也項羽
以封董翳為翟王居之三秦此其一也漢高祖破以縣
之王莽之利平矣民俗語譌謂之高樓城也豐林川長

津瀉注北流會洧洧水又南奚谷水注之水西出奚川東
南流入洧水又東注於河河水又南逕蒲川石樓山南
逕蒲城東即重耳所奔之處也又南歷蒲子縣故城西
今大魏之汾州治徐廣晉紀稱劉淵自離石南移蒲子
者也關駟曰蒲城在西北漢武帝置其水南出得黃盧
水口東出歷蒲子城南東北入黃盧谷極谿便水之源
也又南合紫川水水出東北紫川谷西南合江水江水
出江谷西北入紫川水紫川水又西北入蒲水蒲水出
石樓山下又西南入於河河水又南黑水注之水出定
陽縣西山二源奇發同瀉一壑東南流逕其縣北又東

水經注釋卷三終
南流右合定水俗謂之白水也水西出其縣南山定水
谷東逕定陽縣故城南應劭曰縣在定水之陽也定水
又東注於黑水亂流東南入於河

水經注釋卷三終

海甯錢保塘
華陽吳祖椿覆校

水經注釋卷四

仁和趙一清誠夫錄

河水四

河水又南過河東北屈縣西

河水南逕北屈縣故城西十里有風山上有穴如輪風
氣蕭瑟習常不止當其衝飄也而略無生草蓋常不定
衆風之門故也風山西四十里河南孟門山與龍門山
相對山海經曰孟門之山其上多金玉其下多黃堊涅
石淮南子曰龍門未闢呂梁未鑿河出孟門之上大溢
逆流無有邱陵高阜滅之名曰洪水大禹疏通謂之孟

門故穆天子傳曰北升孟門九河之隘孟門卽龍門之上口也實爲河之巨阨兼孟門津之名矣此石經始禹鑿河中漱廣夾岸崇深傾崖返捍巨石臨危若墜復倚古之人有言水非石鑿而能入石信哉其中水流交衝素氣雲浮往來遙觀者常若霧露沾人窺深悸魄其水尙崩浪萬尋縣流千丈渾洪聳怒鼓若山騰濬波頽疊迄于下口方知慎子下龍門流浮竹非駟馬之追也又有燕完水注之異源合舍西流注河河水又南得鯉魚水歷澗東入窮谿首便其源也爾雅曰鱣鮪也出鞏穴三月則上渡龍門得渡爲龍矣否則點額而還非夫往

還之會何能便有茲稱乎河水又南羊求水入焉水東出羊求川西逕北屈縣故城南城卽夷吾所奔邑也王莽之朕北也汲郡古文曰翟章救鄭次于南屈應劭曰有南故加北國語曰二五言於獻公曰蒲與二屈君之疆也其水西流注于河河水又南爲采桑津春秋僖公八年晉里克敗狄于采桑是也

又南過皮氏縣西

赤水出西北罷谷川東謂之赤石川東入于河河水又南合蒲水西則兩源竝發俱導一山出西河陰山縣王莽之山甯也陰山東麓南水東北與長松水合水出西

水經注釋

河水四

三陽山東東北流左入蒲水蒲水又東北與北溪會同
 為一川東北注河河水又南得丹水水出丹陽山東北
 逕冶官東俗謂之丹陽城城之左右猶有遺銅矣其水
 東北會白水口水出丹山東而西北注之丹水又東東
 北入河河水又南黑水西出丹山東而東北入于河河
 水又南至崕谷旁全氏曰下當有合崕谷水四字東北窮澗水源所導
 也西南流注于河河水又南洛水自獵山枝分東派東
 南注于河昔魏文侯築館洛陰指謂是水也皮氏縣王
 莽之延平也故城在龍門東南不得延逕皮氏方居龍
 門也

又南出龍門口汾水從東來注之

昔者大禹導河積石疎決梁山謂斯處也即經所謂龍

門矣魏土地記曰梁山北有龍門山

一清按漢志左馮翊夏陽縣禹貢梁

山在西北龍門山在北

大禹所鑿通孟津河口廣八十步巖際鑄

迹遺功尚存岸上並有廟祠祠前有石碑三所二碑文

字紊滅不可復識一碑是太和中立竹書紀年晉昭公

元年河水赤于龍門三里梁惠成王四年河水赤于龍

門三日京房易妖占曰河水赤下民恨河水又南右合

暢谷水水自溪東南流逕夏陽縣西北東南注于河河

水又南逕梁山原東原自山東南出至河晉之望也在

水經注釋 河水四

馮翊夏陽縣之西臨于河上山崩壅河三日不流晉侯
以此問伯宗卽是處也春秋穀梁傳曰成五年梁山崩
遏河水三日不流召伯尊遇輦者不避使車右鞭之輦
者曰所以鞭我者其取道遠矣伯尊因問之輦者曰君
親縞素率羣臣哭之斯流矣如其言而河流河水又南
岨谷水注之水出縣西北梁山東南流橫谿水注之水
出三累山其山層密三成故俗以三累名山按爾雅山
三成爲崑崙邱斯山豈亦崑崙乎山水際有二石室
蓋隱者之故居矣細水東流注于岨谷側谿山南有石
室西面有兩石室北面有二石室皆因阿結牖連局接

闕所謂石室相距也東廂石上猶傳杵臼之跡庭中亦
有舊宇處尙髣髴前基北坎石上有微涓石溜豐周瓢
飲似是棲游隱學之所昔子夏教授西河疑卽此也而
無以辨之一清按寰宇記相州安陽縣西河隋圖經云
子夏田子方段干木所游之地以魏趙多
儒學齊魯及鄒皆謂此爲
西河非龍門之西河也溪水又東南逕夏陽縣故城
北故少梁也秦惠文王十一年更從今名矣王莽之冀
亭也其水東南流注于河昔韓信之襲魏王豹也以木
罌自此渡河水又南右合陶渠水水出縣西北梁山東
南流逕漢陽太守殷濟精廬南俗謂之子夏廟渠水又
南逕高門原南蓋層阜隳缺故流高門之稱矣一清按
太平寰

水經主釋 卷四

陽城西北四里許故司馬遷碑文云高門華池在茲夏
陽城西北漢陽太守殷濟精舍四里所今高門東去華
池三里渠水又東南逕夏陽縣故城南服虔曰夏陽號
邑也在大陽東三十里城南朱氏謀璋箋曰春秋僖公
二年虞師晉師滅下陽杜
元凱云下陽號邑在河東大陽縣按漢志宏農陝縣注
故號國在大陽東馮翊夏陽縣注故少梁龍門在北則
下陽夏陽兩地也公羊傳下
陽作夏陽服氏因之誤矣又歷高陽宮北又東南逕
司馬子長墓北墓前有廟廟前有碑永嘉四年漢陽太
守殷濟瞻仰遺文大其功德遂建石室立碑樹桓太史

公自敘曰遷生於龍門是其墳墟所在矣渠水東南流
入河昔魏文侯與吳起浮河而下美河山之固即於此
也河水又南徐水注之水出縣西北梁山東南流逕漢
武帝登仙宮東東南流絕疆梁原逕劉仲城北是漢祖
兄劉仲之封邑也故徐廣史記音義曰郃陽國名也高
祖八年侯劉仲元年一清按史表合陽侯喜徐廣曰一
名嘉則仲是其字索隱曰屬馮翊
而漢諸侯王表作郃陽王子侯代表作合陽寰宇記冀州
信都縣合陽城漢縣高帝時以代王喜棄國降為合陽
侯後漢省并入扶柳舊地理書並失所在蓋在今郡東
界地理志平原郡有合陽縣云侯國王莽曰宜鄉者也
樂氏之記是為非矣又按名勝志引注云河水又逕劉
仲城北又逕姚武壁南今本僅有劉仲城而無姚武壁
蓋有脫失矣按寰宇記同州夏陽縣有姚武壁是也其水
壁姚萇僭號于此蓋以武功立因名姚武壁

東南逕子夏陵北東入河河水又南逕子夏石室東南北有二石室臨側河崖即子夏廟室也

又南過汾陰縣西

河水東際汾陰睢縣故城在睢側漢高帝六年封周昌為侯國魏土地記曰河東郡北八十里有汾陰城北去汾水三里城西北隅曰睢邱上有后土祠封禪書曰元鼎四年始立后土祠於汾陰睢邱是也又有萬歲宮漢宣帝神爵元年幸萬歲宮東濟大河而神魚舞水矣昔趙簡子沈欒激朱氏箋曰呂氏春秋作欒激於此曰吾好聲色而是子致之吾好士六年不進一人是長吾過而絀吾善君

子以為能譴矣河水又逕邵陽城東周威烈王之十七年魏文侯伐秦至鄭還築汾陰邵陽即此城也故有莘邑矣為大姒之國詩云在邵之陽在渭之涘又曰纘女維莘長子維行謂此也城北有瀆水南去二水各數里其水東逕其城內東入於河又於城南側中有瀆水東南出城注于河城南又有瀆水東流注于河水南猶有文母廟廟前有碑去城一十五里水即邵水也縣取名焉故應劭曰在邵水之陽也河水又南瀆水入焉水出汾陰縣南四十里西去河三里平地開源瀆泉上湧大幾如輪深則不測俗呼之為瀆魁古人壅其流以為陂

水種稻東西二百步南北一百餘步一清按王氏存元豐九域志河中府

古跡漢水下引水經云漢水出汾陰南四十里周迴一百八十步冬溫夏冷清澈見底今本似缺與郃

陽漢水夾河中渚上又有一漢水皆潛相通故呂忱曰

爾雅異出同流為漢水一清按榮河縣本漢汾陰縣地

僅錄呂忱字林數語致與經典全相乖迕殆故以示博爾今疏記于左以正其失爾雅釋水漢大出尾下註云

今河東汾陰縣有水口如車輪許潰沸湧出其深無限名之曰漢馮翊郃陽縣復有漢亦如之相去數里而夾

河中階上又有一漢源皆潛相通在汾陰者人壅其流以為陂種稻呼其本出處為漢魁此是也尾猶底也

其水西南流歷蒲坂西西流注于河河水又南逕陶城

西舜陶河濱皇甫士安以為定陶不在此也然陶城在

蒲坂城北城即舜所都也南去歷山不遠或耕或陶所

在則可何必定陶方得為陶也舜之陶也斯或一焉孟

津有陶河之稱蓋從此始之南對蒲津關汲冢竹書紀

年魏襄王七年秦王來見于蒲坂關四月越王使公師

隅來獻乘舟始罔及舟三百箭五百萬犀角象齒焉

又南過蒲坂縣西

地理志曰縣故蒲也王莽更名蒲城應劭曰秦始皇東

巡見有長坂故加坂也孟康曰晉文公以賂秦秦人還

蒲於魏魏人喜曰蒲反矣故曰蒲反也薛瓚注漢書曰

秦世家以垣為蒲反然則本非蒲也全氏曰孟康解因魏壽餘事而參錯

其皇甫謐曰舜所都也或言蒲坂或言平陽及漢者也

水經注卷四

一清按舜都廣甯今直隸之懷來縣漢上谷郡之潘縣也師古曰音普拌反而胡三省通鑑註曰據水經注潘當作漢然其引皇甫士安之書則又云或言蒲阪或言潘可知宋本水經已誤潘為漢梅磧不能決擇所從徒啟後學之疑漢志續志晉志魏志皆作潘亦見今城中

有舜廟魏秦州刺史治太河遷都罷州置河東郡郡多流雜謂之徙民民有姓劉名墜者宿擅工釀採挹河流

醞成芳耐懸食同枯枝之年排於桑落之辰朱氏謀璋箋曰二語

有譌脫一清按宋李厚註東坡詩胡三省注通鑑引水經注語正同則知相沿已久故酒得其名

矣然香醋之色清白若滫漿焉別調氛氳不與佗同蘭薰麝越自成馨逸一清按通鑑注作馨遠方土之貢選最佳酌矣

自王公庶友牽拂相招者每云索郎有顧思同旅語索

郎反語為桑落也更為籍徵之雋句中書之英談郡南

有歷山也謂之歷觀舜所耕處有舜井媯汭二水出焉

南曰媯水北曰汭水西逕歷山下上有舜廟周處風土

記曰舊說舜葬上虞又記云耕於歷山而始甯剡二縣

界上舜所耕田於山下多柞樹吳越之間名柞為櫛故

曰歷山余按周處此志為不近情傳疑則可證實非矣

安可假木異名附山殊稱彊引大舜即比甯懷全氏曰甯懷當

作甯壤寧與甯通即指舜都廣甯朱謀埠箋強引河內之甯城于舜何與又引媯州懷戎縣之舜井以解懷字

六朝何嘗有懷戎之稱乎蓋謂以歷山在東越猶之以廣甯之壤為歷山也更為失誌記之

本體差實錄之常經矣歷山媯汭言是則安於彼乖矣

尚書所謂釐降二女於媯汭也孔安國曰居媯水之內
 王肅曰媯汭虞地名皇甫謐曰納二女於媯水之汭馬
 季長曰水所出曰汭然則汭似非水名而今見有二水
 異源同歸渾流西注入於河河水又南逕雷首山西山
 臨大河北去蒲坂三十里尚書所謂壺口雷首者也俗
 亦謂之堯山山上有故城世又曰堯城闕駟曰蒲坂堯
 都按地理志曰縣有堯山首山祠雷首山在南事有似
 而非非而是千載眇邈非所詳耳又南涑水注之水出
 河北縣雷首山全氏曰此別是河北縣之涑水非聞喜
縣之涑水也蓋聞喜之涑水水經以爲
出東山黍葭谷注以爲至周陽與洮水合通鑑地理通
釋所云在陝州夏縣北四十里者是也河北之涑水則

雷水亦即陽安澗水地理通釋所云在河中府臨晉縣
 東十二里者是也近人合而一之樂史曰涑川自聞喜
 接河今涑水篇但言涑水入張澤而不言張澤之所入
 又曰西北去蒲坂一十五里然則聞喜之涑水所入正
 與河北之涑水所出相接而又皆名涑水道元不細剖
 之兩處並引左傳伐我涑川之語已自蒙混及讀唐志
 虞鄉縣北十五里有涑水渠貞觀十七年蒲州刺史薛
 萬徹所開自聞喜引流入臨晉以溉田乃恍然曰是兩
 涑水所由合也鹽池圖說曰涑水中尾多窄至臨晉而
 小谿諸水咸注之不知涑水本至張陽而止所謂中尾
 多窄者出於人力之通也過此則又一涑水也若左傳
 之涑川則在聞喜不在蒲坂蓋王官城亦在聞喜故也
 一清按全氏之說甚辨然涑水實非有二也涑之別曰
 洮而其截爲二則自金天氏始左氏傳云臺駘能業其
 官宣汾洮障大澤以處太原帝用嘉之封諸汾川則是
 張陽汾洮乃臺駘之遺跡故禹貢曰既修太原至于岳陽
 蓋治汾洮之水也日修者修鰈之功至于岳陽而止岳
 陽霍太山之陽也其不及河可知鰈且一變也又徵之業
 至唐乃溝而通之此數千年之水道一變也又徵之業
 元凱之言矣左傳成十三年注云涑水出河東聞喜縣

西南至蒲坂縣入河是二涑水本有相通之道杜故云然杜又在鄆前惟其有道可通唐人乃得溝而合之如二涑水各異則源流判縣北與蒲坂分山有夷齊廟闕然何以稱名合一乎

駟十三州志曰山一名獨頭山夷齊所隱也山南有古

冢陵柏蔚然攢茂邱阜俗謂之夷齊墓也閻氏若璩四書釋地曰史

記正義首陽山凡五所王伯厚攷曾子書以為在蒲坂舜都者得之莫徵信于鄆注然已兩說互存蓋莫能定

爾其水西南流亦曰雷水穆天子傳曰壬戌天子至于

雷首犬戎胡觴天子于雷首之阿乃獻良馬四六天子

使孔牙受之于雷水之干是也昔趙盾田首山食祁彌

明翳桑之下朱氏謀璋箋曰左傳作提彌明全氏曰祁提音近致譌然食者別是靈徹非提彌明

史記則以翳桑餓人為祁彌明斯乃善長即於此也凍

水又西南流注于河春秋左傳謂之涑川者也俗謂之

陽安澗水

又南至華陰潼關渭水從西來注之

汲郡竹書紀年曰晉惠公十五年沈氏曰晉惠公以十四年卒無十五年乃

周襄王之十五年是年秦納重耳次年至秦穆公帥師河上則周襄王之十六年也涑水篇誤同

送公子重耳涉自河曲春秋左氏僖公二十四年秦伯

納之及河子犯以璧授公子曰臣負羈縲從君巡於天

下臣之罪多矣臣猶知之而況君乎請由此亡公子曰

所不與舅氏同心者有如白水投璧於此子推哭曰天

開公子子犯以為功吾不忍與同位遂逃焉河水歷船

司空與渭水會漢書地理志曰舊京兆尹之屬縣也

按既引漢志不當云舊也左邱明國語云華嶽本一山當河河水過

而曲行河神巨靈手盪腳踢開而為兩今掌足之迹仍

存華嶽朱氏謀璋箋曰按巨靈事在薛綜西京賦注開引古語云云非左氏國語也此乃誤記耳

山圖曰有巨靈胡者偏得神元之道能造山川出河所

謂巨靈鬣屬首冠靈山者也常有好事之人故升華嶽

而觀厥跡焉自下廟歷列柏南行十一里東迴三里至

中祠又西南出五里至南祠謂之北君祠諸欲升山者

至此皆祈請焉從此南入谷七里又屈一祠謂之石養

父母石龕木主存焉又南出一里至天井井裁容人穴

空迂迴頓曲而上可高六丈餘山上又有微涓細水流

入井中亦不甚沾人上者皆所由涉更無別路欲出井

望空視明如在室窺窗也出井東南行二里峻坂斗上

斗下降此坂二里許又復東上百丈崖升降皆須扳繩

挽葛而行矣南上四里路到石壁緣傍稍進逕一百餘

步自此西南出六里又至一神全氏曰魏書地形志每縣下皆載有祠但直作

神字疑是北人竟以神字當祠字耳名曰胡趨寺神像有童子之容從祠

南歷夾嶺廣裁三尺餘兩箱懸崖數萬仞窺不見底祀

祠有感則雲與之平然後敢度猶須騎嶺抽身漸以就

進故世謂斯嶺為搦嶺矣度此二里便屈山頂上方七

水經注釋 卷四 河水四
里靈泉二所一名蒲池西流注于澗一名太上泉東注澗下上宮神廟近東北隅其中塞實雜物事難詳載自上宮東北出四百五十步有屈嶺東南望巨靈手跡唯見洪崖赤壁而已都無山下上觀之分均矣河在關內南流潼激關山因謂之潼關濩水注之水出松果之山北流逕通谷世亦謂之通谷水東北注于河述征記所謂潼谷水者也或說因水以名地也河水自潼關東北流水側有長坂謂之黃巷坂一作清按一黃巷坂傍絕澗涉此坂以升潼關所謂沂黃巷以濟潼關矣歷北出東嶠通謂之函谷關也邃岸天高空谷幽深澗道之峽車不方

軌號曰天嶮故西京賦曰巖嶮周固矜帶易守所謂秦得百二并吞諸侯也是以王元說隗囂曰請以一丸泥東封函谷關圖王不成其弊足霸矣全氏曰按何焯曰

地而異名也通典漢武帝徙函谷關于新安至獻帝西幸出關猶在新安建安十六年曹操破馬超于潼關即以中間移此所謂國之巨防不為細事而史官失之是于新安縣下云魏明帝景初元年河南尹盧延請卻函谷關徙關于宏農守杜恕議以東徙潼關著郡下省函谷關徙關于盧氏正始元年宏農守孟康請移函谷關更號大嶠關又為金關地理志曰是年廢函谷關然則潼關置于季漢而函谷關廢于魏之正始公前說未經刊正而善長亦同此誤耳王元泥封之說豈指華陰之潼關乎郭緣生記曰漢末之亂魏武征韓遂馬超連兵此地今際河之西有曹公壘道東原上云李典營義熙

十三年王師曾據此壘西征記曰公路透迤入函道六里有舊城城周百餘步北臨大河南對高山姚氏置關以守峽宋武王入長安檀道濟王鎮惡或據山為營或平地結壘為大小七營濱帶河嶮姚氏亦保據山原陵阜之上尚傳故迹矣關之直北隔河有層阜巍然獨秀孤峙河陽世謂之風陵全氏曰史記作封陵戴延之所謂風埽者也南則河濱姚氏之營與晉對岸河水又東北玉澗水注之水南出玉溪北流逕皇天原西周固記開山東首上平博方可里餘三面壁立高千許仞漢世祭天於其上名之為皇天原上有漢武帝思子臺又北逕閿鄉城

西郡國志曰宏農湖縣有閿鄉

全氏曰按師古曰閿本從曼許密反後誤作受

而妄音汝授反今俗讀聞音則以閿與閿近致譌傳呼失其實也一清按後漢書鄭興傳云客授閿鄉章懷註云閿音聞建安中改作閿今世但有聞音而許密反之音隱矣又李宏憲云閿古文聞說文从門受聲則知閿即聞也世謂之閿鄉水也魏尚書僕射閿鄉侯河東衛伯

儒之故邑其水北流注于河河水又東逕閿鄉城南東

與全鳩澗水合水出南山北逕皇天原東述征記曰全

節地名也其西名桃原古之桃林周武王克殷休牛之

地矣西征賦曰咸徵名於桃園者也晉太康地記曰桃

林在閿鄉南谷中其水入河北注于河

又東過河北縣南

水經注

卷四

三

八十三

縣與湖縣分河蓼水出襄山蓼谷西南流注于河河水
又東永樂澗水注之水北出于薄山南流逕河北縣故
城西故魏國也晉獻公滅魏以封畢萬卜偃曰魏大名
也萬後其昌乎後乃縣之在河之北故曰河北縣也今
城南西二面竝去大河可二十餘里北去首山一十許
里處河山之間土地迫隘故魏風著十畝之詩也城內
有龍泉南流出城又南斷而不流永樂溪水又南入于
河余按中山經卽渠豬之水也太史公封禪書稱華山
以西名山七薄山其一焉薄山卽襄山也徐廣曰蒲坂
縣有襄山山海經曰蒲山之首曰甘棗之山其水出焉

而西流注于河東則渠豬之山渠豬之水出焉而南流
注于河如準封禪書二水無西南流河之理今診蓼水
川流所趨與其水相扶永樂溪水導源注于河又與渠
豬勢合蒲山統目總稱亦與襄山不殊故揚雄河東賦
曰河靈攬踢掌華蹈襄沈氏曰原賦作兀華蹈衰蘇林
曰衰山也師古曰兀古掌字
注云襄山在潼關北十餘里以是推之知襄山在蒲坂
蓼水卽渠豬之水也河水自河北城南東逕芮城二城
之中有段干木冢干木晉之賢人也魏文侯過其門軾
其廬所謂德尊萬古芳越來今矣汲冢竹書紀年曰晉
武公元年尙一軍芮人乘京荀人董伯皆叛匪直大荔

故芮也此亦有焉全氏曰按大荔之戎亦名芮戎在北地而芮伯之國在臨晉其後大荔滅于秦種落蓋有居于臨晉者漢人遂合芮戎芮伯之國而一之謂臨晉即故大荔是大謬也唯善長稍辨之曰匪直大荔故芮也此亦有焉則二芮了然矣而讀其注者鮮知之紀年又云晉武公七年芮伯萬之母芮姜逐萬萬出奔魏八年周師虢師圍魏取芮伯萬而東之九年戎人逆芮伯萬于郊斯城亦或伯萬之故畫也河水又會槃澗水水出湖縣夸父山北逕漢武帝思子宮歸來望思臺東又北流入于河河水又東逕湖縣故城北昔范叔入關遇穰侯於此矣湖水出桃林塞之夸父山廣員三百仞武王伐紂天下既定王及嶽瀆放馬華陽散牛桃林即此處也其中多野

馬造父於此得驂騮綠耳盜驪之乘以獻周穆王使之馭以見西王母湖水又北逕湖縣東而北流入于河魏土地記曰宏農湖縣有軒轅黃帝登仙處黃帝採首山之銅鑄鼎於荆山之下有龍垂胡於鼎黃帝登龍從登者七十人遂昇於天故名其地爲鼎胡荆山在馮翊首山在蒲坂與胡縣相連晉書地道記太康記並言胡縣也漢武帝改作湖俗云黃帝自此乘龍上天也地理志曰京兆湖縣有周天子祠二所故曰胡不言黃帝升龍也山海經曰西九十里曰夸父之山其木多欒柎多竹箭其陽多玉其陰多鐵其北有林焉名曰桃林其中多

馬湖水出焉北流注于河故三秦記曰桃林塞在長安東四百里若有軍馬經過好行則牧華山休息林下惡行則決河漫延人馬不得過矣河水又東合柏谷水水出宏農縣南石隄山山下有石隄祠銘云魏甘露四年散騎常侍征南將軍豫州刺史領宏農太守南平公之所經建也其水北流逕其亭下晉公子重耳出亡及柏谷卜適齊楚狐偃曰不如之翟漢武帝嘗微行此亭見饋亭長妻故潘岳西征賦曰長傲賓於柏谷妻觀貌而獻餐謂此亭也柏谷水又北流入于河河水又東右合門水門水卽洛水之支流者也洛水自上洛縣東北於

拒陽城西北分爲二水枝渠東北出爲門水也門水又東北歷陽華之山卽華陽山海經所謂陽華之山門水出焉者也又東北歷峽謂之鴻關水水東有城卽關亭也水西有堡謂之鴻關堡世亦謂之劉項裂地處非也余按上洛有鴻臚圍池是水津渠沿注故謂斯川爲鴻臚澗鴻關之名乃起是矣門水又東北歷邑川二水注之左水出于陽華之陽東北流逕盛牆亭西東北流與右水合右水出陽華之陰東北流逕盛牆亭東東北與左水合卽山海經所謂緝姑之水出于陽華之陰東北流注于門水者也又東北燭水注之水有二源左水南

出于衙嶺世謂之石城山其水東北流逕石城西東北
合右水右水出石城山東北逕石城東東北入左水地
理志曰燭水出衙嶺下谷開山圖曰衙山在函谷山西
南是水亂流東注于緡姑之水二水悉得通稱矣歷澗
東北出謂之開方口水側有阜名之方伯堆宋奮武將
軍魯方平建武將軍薛安都等與建威將軍柳元景北
入軍次方伯堆者也堆上有城卽方平所築也又東北
逕邑川城南卽漢封竇門之故邑川受其名亦曰竇門
城在函谷關南七里又東北田渠水注之水出衙山之
白石谷東北流逕故邱亭東是薛安都軍所從城也其

水又逕鹿蹠山西山石之上有鹿蹠自然成著非人功
所刊歷田渠川謂之田渠水西北流注于燭水燭水又
北入門水水之左右卽函谷山也門水又北逕宏農縣
故城東城卽故函谷關校尉舊治處也終軍棄繻於此
燕丹孟嘗亦義動雞鳴於其下可謂深心有感志誠難
奪矣昔老子西入關尹喜望氣於此也故趙至與嵇茂
齊書曰李叟入秦及關而歎亦言與嵇叔夜書及關尹
望氣之所異說紛紜竝未知所定矣漢武帝元鼎四年
沈氏曰徙關於新安縣以故關爲宏農縣宏農郡治王
是三年莽更名右隊劉桓公爲郡虎相隨渡河光武聞而善之

其水側城北流而注于河河水於此有涇津之名說者咸云漢武微行柏谷遇辱寶門又感其妻深識之饋既返玉階厚賞賚焉賜以河津令其鬻渡今寶津者是也故潘岳西征賦酬匹婦其已秦胡厥夫之謬官袁豹之徒竝以爲然余按河之南畔夾側水濱有澗謂之涇津河北縣有涇水涇津其水南入于河河水故有涇津之名不從門始蓋事類名同故作者是之竹書穆天子傳曰天子自賓輪乃次于涇水之陽丁亥入于南鄭考其沿厯所鍾路直斯津以是推之知非因門矣俗或謂之偃鄉澗水也河水又合左右二水其水二源疏引俱導

薄山南流會成一川其二水之內世謂之間原言虞芮所爭之田所未詳矣又南注于河河水右會谷水水出南山北逕曹陽亭西陳涉遣周章入秦少府章邯斬之於此魏氏以爲好陽晉書地道記曰亭在宏農縣東十三里其水西北流入于河河水又東蓄水注之水出常烝之山西北逕曲沃城南又屈逕其城西西北入河諸注述者咸言曲沃在北此非也魏司徒崔浩以爲曲沃地名也余按春秋文公十三年晉侯使詹嘉守桃林之塞處此以備秦時以曲沃之官守之故曲沃之名遂爲積古之傳矣河水又東得七里澗澗在陝西七里故因

名焉谷水自南山通河亦謂之曹陽坑是以潘岳西征
 賦曰行於漫瀆之口憩於曹陽之墟袁豹崔浩亦不非
 其地矣余按漢書昔獻帝東遷逼以寇難李傕郭汜追
 戰于宏農澗天子遂露次曹陽楊奉董承外與傕和內
 引白波李樂等破傕乘輿於是得進復來戰奉等大敗
 兵相連綴四十餘里方得達陝以是推之似非曹陽然
 以山海經求之菑曹字相類是或有曹陽之名也王世懋讀
 史訂疑靈寶之西函谷之東有澗直下黃河曰宏農澗
 一統志云宋避英宗諱改為鴻蘆竊疑宋為太祖父諱
 宏殷耳何必并農字改之英宗初名及後更名俱不犯
 二字以為英宗者尤誤也後閻王得臣塵史始知其大
 謬不然得臣曾修陝志云靈寶之西有澗曰洪溜不知
 其名之因也比見水經注云縣有鴻臚圍池是水津渠

沿注故謂斯川為鴻臚澗是知洪溜語之譌也灑然始
 悟當時俗名是洪溜原非宏農所謂鴻臚者即得臣援
 證水經修志時改之耳彼自云鴻臚非鴻蘆也得臣政
 和時年八十所著書正當英宗前何嘗有避諱之說
 乎蓋陝州古名宏農而是澗先名洪溜後名鴻臚其聲
 近于宏農措大強解事遂以意傳會其說以為復古而
 名之事故有習而非真子故拈出之以雪斯澗之誤名
 今靈寶人亦順呼為宏農無有知其非者仍當稱鴻臚
 為是不然稱洪溜猶是宋以前之語也一清按敬美之
 言非也據鄭注鴻臚圍池在洛縣上洛屬商州去陝
 四百餘里安可便以鴻臚為宏農也後漢書獻帝紀云
 十一月庚午李傕郭汜等追乘輿戰于東澗王師敗績
 壬申幸曹陽露次田中章懷注云曹陽澗名在今陝州
 西南七里俗謂之七里澗董卓傳云傕汜其追乘輿大
 戰于宏農東澗天子遂露次曹陽寰宇記陝州改曰
 云曹陽墟俗名七里澗在縣西四十五里魏武帝改曰
 好陽澗本曰曹陽以在曹水之陽然則傕汜戰處乃是
 宏農之東澗一名七里澗者是今節去東字直云宏農
 澗方土之稱酈氏因之未為失也若以鴻臚圍池釋之
 抑更差違已且洪溜澗名見漢書注顏師古曰桃林縣

南有淇溜澗水即古之函關是也紛紛辨質實為辭費
又全氏曰善長疑曹陽即蓄陽然師古注陳涉傳云曹
陽出陝縣西南峴頭山北流入河今謂之好陽澗在陝
縣西四十五里則蓄水外別有曹水不如善長所云

河水東合譙水水導源常烝之山俗謂之為干山蓋
先後之異名也山在陝城南八十里其川流也二源雙
導同注一壑而西北流注于河

又東過陝縣北

橐水出橐山西北流又有干水出南山北谷逕崖峽北
流與干山之水會出干山東谷兩川合注于崖水又東
北注橐水北流出谷謂之漫澗矣與安陽溪水合水出
石嶠南西逕安陽城南漢武帝封上官桀為侯國也

清

按史記索隱曰表在蕩陰志屬汝南地理志汝南郡安
陽縣下云侯國是也方輿紀要云彰德府安陽縣本紂
之朝歌地七國時為魏甯新中邑秦昭襄王五十年王
翦從張唐拔之更名安陽漢省入蕩陰縣昭帝封上官
桀為侯邑然則非陝之安陽城也外戚恩澤侯表
桀以昭帝始元二年正月壬寅封武帝字亦誤 潘岳

所謂我祖安陽也東合漫澗水北有逆旅亭謂之漫口
客舍也又西逕陝縣故城南又合一水謂之瀆谷水南
出近溪北流注橐其水又西北逕陝城西西北入于河
河北對茅城故茅亭茅戎邑也公羊曰晉敗之大陽者
也津亦取名焉春秋文公三年秦伯伐晉自茅津濟封
崤尸而還是也東則咸陽澗水注之水出北虞山南至
陝津注河河南即陝城也昔周召分伯以此城為東西

之別東城即號邑之上陽也號仲之所都為南號三號
 此其一焉一清按地理志陝縣下云北號在大陽東號
陽夾河對岸南號即北號故有上陽下陽之分亦有南
號北號之稱矣陝為號都大陽為號塞邑穀梁傳及杜
註可證下陽失而號不守故春秋書曰滅也何焯云按
杜預云陝縣東南有號城即是西號國此南字或是西
字之誤蓋號仲之封非雍州之號其說與班志異春秋
分記曰信五年號仲號叔王季之穆此二號西號也仲
之封今陝州陝縣又以別于鳳翔之號故亦謂之南號
號叔之封今鳳翔府號縣以號在中國之西又謂之西
號隱元年制巖邑也號叔死焉東號也今鄭州滎陽縣
觀此則北號即南號而非西號分記所言本于孟堅足
證何說之謬分記為宋程公說撰其疆理書最
精覈予嘗見宋錢于妹婿姚小坡家真異寶也
 其大城
 中有小城故焦國也武王以封神農之後於此王莽更
 名黃眉矣戴延之云城南倚山原北臨黃河縣水百餘

仞臨之者咸悚惕焉西北帶河水湧起方數十丈有物
 居水中父老云銅翁仲所沒處又云石虎載經於此沈
 沒二物並存水所以湧所未詳也或云翁仲頭髻常出
 水之漲減恒與水齊晉軍當至髻不復出今唯見水異
 耳嗟嗟有聲聲聞數里按秦始皇二十六年長狄十二
 見于臨洮長五丈餘以為善祥鑄金人十二以象之各
 重二十四萬斤坐之宮門之前謂之金狄皆銘其胷云
 皇帝二十六年初兼天下以為郡縣正法律同度量大
 人來見臨洮身長五丈足六尺李斯書也故衛恒敘篆
 曰秦之李斯號為工篆諸山碑及銅人銘皆斯書也漢

自阿房徙之未央前俗謂之翁仲矣地皇二年王莽夢
銅人泣惡之念銅人銘有皇帝初兼天下文使尙方工
鑄滅所夢銅人膺文後董卓毀其九爲錢其在者三魏
明帝欲徙之洛陽重不可勝至霸水西停之漢晉春秋
曰或言金狄泣故畱之石虎取置鄴宮苻堅又徙之長
安毀二爲錢其一未至而苻堅亂百姓推置陝北河中
於是金狄滅金以爲鴻河巨瀆故應不爲細梗躓湍長
津碩浪無宜以微物屯流一清按史記索隱引謝承後漢書銅人翁仲翁仲其名也
三輔舊事銅人十二各重二十四萬斤漢代在長樂宮門前董卓壞其十爲錢餘二猶在石季龍徙之鄴苻堅又徙之長安而銷之也則銅人存者只二枚非三枚亦非百姓推置河中誠如道元所云足以杜悠繆之口也

斯水之所以濤波者蓋史記所云魏文侯二十六年虢
山崩壅河所致耳獻帝東遷日夕潛渡墜坑爭舟舟指
可掬亦是處矣

又東過大陽縣南

交澗水出吳山東南流入河河水又東路澗水亦出吳
山東逕大陽城西西南流注中澗水入于河河水又東
逕大陽縣故城南竹書紀年曰晉獻公十有九年獻公
會虞師伐虢滅下陽虢公醜奔衛全氏曰善長書多不引三傳而引竹書如
晉滅下陽是一事在僖二年滅虢又一事在僖五年明見三傳今竹書混而舉之非矣且醜奔京師不奔衛也
獻公命瑕父呂甥邑于虢都地理志曰北虢也有天子

廟王莽更名勤田應劭地理風俗記城在大河之陽也
 河水又東沙澗水注之水出虞山東南逕傅巖歷傳說
 隱室前俗名之為聖人窟孔安國傳傳說隱於虞號之
 間即此處也傅巖東北十餘里即巖輪坂也春秋左傳
 所謂入自巖輪者也有東西絕澗左右幽空窮深地壑
 中則築以成道指南北之路謂之為輪橋也傳說備隱
 止息於此高宗求夢得之是矣橋之東北有虞原原上
 道東有虞城堯妻舜以嬪于虞者也

全氏曰釐降媯汭在蒲坂道元明載
 二水于前與虞何豫
 張冠李帶不亦慎乎
 周武王以封太伯弟虞仲於此是
 為虞公
一清按漢書地理志河東郡太陽縣下云周武王封太伯後於此是為虞公此是孟堅誤記史

記吳世家云太伯卒無子弟仲雍立仲雍卒子季簡立
 季簡卒子叔達立叔達卒子周章立是時周武王克殷
 求太伯仲雍之後得周章周章已君吳因而封之乃封
 周章弟虞仲於周之北故夏墟是為虞仲然則虞仲是
 仲雍之曾孫周章之弟明係二人小司馬以為祖與孫
 同號也古今人表有中雍在上中列太伯之次有虞仲
 在中中云周章弟與史記合今注作太伯晉太康地記
 弟虞仲酈氏亦誤當作太伯弟後虞仲也
 所謂北虞也城東有山世謂之五家冢冢上有虞公廟
 春秋穀梁傳曰晉獻公將伐虢荀息曰君何不以屈產
 之乘垂棘之璧假道於虞公曰此晉國之寶也曰是取
 中府置外府也公從之及取虢滅虞乃牽馬操璧璧則
 猶故馬齒長矣即宮之奇所謂虞虢其猶輔車相依唇
 亡則齒寒虢亡虞亦亡矣其城北對長坂二十許里謂

之虞坂戴延之曰自上及下七山相重戰國策曰昔騏

驥駕鹽車上於虞坂遷延負轅而不能進此蓋其困處

也橋之東北山溪中有小水西南流注沙澗亂流逕大

陽城東河北郡治也一清按河北郡見魏書地形志是拓跋氏所置隋書五代志河東郡

河北縣下云舊置河北郡開皇初郡廢則又似治河北

縣也且魏志大陽縣亦居河北郡之第四其第一縣為

北安邑也沙澗水南流注于河河水又東南左合積石土柱

二溪並北發大陽之山南流入于河是山也亦通謂之
為薄山矣故穆天子傳曰天子自鹽已丑南登于薄山
寘輪之澄乃宿于虞是也

又東過砥柱間

砥柱山名也昔禹治洪水山陵當水者鑿之故破山以

通河河水分流包山而過山見水中若柱然故曰砥柱

也三穿既決水流疎分指狀表目亦謂之三門矣全氏曰趙

冬曦云砥柱山之六峰皆生河之中流夏后所鑿其最

北有兩柱相對距崖而立即所謂三門也都穆云砥柱

在陝州東五十里黃河中循河至三門中曰神門南曰

鬼門北曰人門水行其間聲激如雷而鬼門尤為險惡

舟筏一入鮮有得脫三門之廣約二十丈其東百五十

步即砥柱崇約三丈周數丈以三門為砥柱者誤也

山在虢城東北大陽城東也搜神記稱齊景公渡于江

沈之河龍銜左驂沒之眾皆驚惕古治子於是拔劍從

之邪行五里逆行三里至于砥柱之下乃龍也左手持

龍頭右手挾左驂燕躍鶴踴而出仰天大呼水為逆流

三百步觀者皆以爲河伯也亦或作江沅字者也若因地而爲名則安在蜀及長沙按春秋此二土並景公之所不至古冶子亦無因而騁其勇矣劉向敘晏子春秋稱古冶子曰吾嘗濟于河龍銜左驂以入砥柱之流當是時也從而殺之視之乃龍也不言江沅矣又考史遷記云景公十二年公見晉平公十八年復見晉昭公旌軒所指路直斯津從龍砥柱事或在茲又云觀者以爲河伯賢於江沅之證河伯本非江神又河可知也河之右則峭水注之水出河南盤峭山西北流水上有梁俗謂之鴨橋也歷澗東北流與石峭水合水出石峭山

有二陵南陵夏后臯之墓也北陵文王所避風雨矣言山徑委深峰阜交蔭故可以避風雨也秦將襲鄭蹇叔致諫而公辭焉蹇叔哭子曰吾見其出不見其入晉人禦師必於峭矣余收爾骨焉孟明果覆秦師於此峭水又北左合西水亂流注于河河水又東千峭之水注焉水南導於千峭之山其水北流纏絡二道漢建安中曹公西討巴漢惡南路之險故更開北道自後行旅率多從之今山側附路有石銘云晉太康三年宏農太守梁柳修復舊道太峭以東西峭以西明非一峭也西有二石又南五六十步臨溪有恬漠先生翼神碑蓋隱斯山

也其水北流注于河河水翼岸夾山巍峯岐舉羣山疊
秀重嶺干霄鄭元按地說河水東流貫砥柱觸闕流今
世所謂砥柱者蓋乃闕流也砥柱當在西河未詳也余
按鄭元所說非是西河當無山以擬之自砥柱以下五
戶以上其間一百二十里河水鍊石築出勢連襄陸蓋
亦禹鑿以通河疑此闕流也其山雖闕尚梗湍流激石
雲河濺波怒溢合有一十九灘水流迅急勢同三峽破
害舟船自古所患漢鴻嘉四年楊焉言從河上下患砥
柱隘可鑄廣之上乃令焉鑄之裁沒水中不能復去而
令水益湍怒害甚平日魏景初二年二月帝遣都督沙

邱部監運諫議大夫寇茲一清按元和郡縣志引此文作寇慈帥工三千

人歲常修治以平河咀晉泰始三年五月武帝遣監運

太中大夫趙國一清按下一缺人姓名都匠中郎將河東樂世帥眾

五千餘人修治河灘事見五戶祠銘雖世代加功水流

湍濟濤波尚屯及其商舟是次鮮不踟躕難濟故有眾

峽諸灘之言五戶灘名也有神祠通謂之五戶將軍亦

不知所以也

又東過平陰縣北清水從西北來注之

清水出清廉山之西嶺世亦謂之清營山其水東南流

出峽峽左有城蓋古關防也清水歷其南東流逕臯落

城北服虔曰赤翟之都也世謂之倚亳城蓋讀聲近傳因失實也春秋左傳所謂晉侯使太子申生伐東山臯落氏者也與倚亳川水合水出北山礦谷東南流注于清清水又東逕清廉城南又東南流右會南溪溪水出南山而東注清水又東合乾棗澗水水出石人嶺下南流俗謂之扶蘇水又南歷奸苗北馬頭山亦曰白水原西南逕垣縣故城北史記魏武侯二年城安邑至垣卽是縣也其水西南流注清水水色白濁初會清流乃有元素之異也清水又東南逕陽壺城東卽垣縣之壺邱亭晉遷宋五大夫所居也清水又東南流注于河河水

又東與教水合水出垣縣北教山南逕輔山高三十許里上有泉源不測其深山頂周員五六里少草木

平寰字記東輔山在沁水縣西南九十二里其山及西輔山與析城山相連有相輔之勢又澤州沁水縣下云害水出西輔山水經云害水出垣曲縣界今本無害水之目蓋缺失矣 山海經曰孟門東

南有平山水出于其上潛于其下又是王屋之次疑卽平山也其水南流歷鼓鍾上峽懸洪五丈飛流注壑夾岸深高壁立直上輕崖秀舉百有餘丈峯次青松巖懸頽石於中厯落有翠柏生焉丹青綺分望若圖繡矣水廣一十許步南流歷鼓鍾川分爲二澗一澗西北出一百六十許里山岫迴阻纔通馬步今聞喜縣東北谷口

猶有乾河里故溝存焉今無復有水一清按續志聞喜邑劉昭補注引史記曰伐韓到乾河郭璞曰縣東有乾河口但有故溝處無復水也而注下文又有冬乾下流之稱然則未嘗竟枯絕也亦見澮水注一水厯冶官西世人謂之鼓鍾城城之左右猶有遺銅及銅錢也城西阜下有泉西流注澗與教水合伏入石下南至下峽山海經曰鼓鍾之山帝臺之所以觴百神卽是山也其水重源又發南至西馬頭山東截坡下又伏流南十餘里復出又謂之伏流水南入于河山海經曰教山教水出焉西南流注于河是水冬乾夏流實唯乾河也今世人猶謂之爲乾澗矣河水又與畛水合水出新安縣青要山今謂之疆山山海經曰

青要之山畛水出焉北流注于河卽是水也河水又東正回之水入焉水出驪山疆山東阜也東流俗謂之疆川水與石瓜疇川合水出西北石澗中東南流注于疆川水疆川水又東逕疆冶鐵官東東北流注于河河水又東合庸庸之水水出河東垣縣宜蘇山俗謂之長泉水山海經曰水多黃貝伊洛門也其水北流分爲二水一水北入河一水又東北流注于河河水又東逕平陰

縣北地理風俗記曰河南平陰縣故晉陰地陰戎之所居全氏曰按陰戎是陰地之戎杜預曰在河南山北自善長以爲平陰非矣又曰在平城之南故曰平陰也三老董公說

高祖處陸機所謂幡幡董叟謨我平陰者也魏文帝改曰河陰矣河水右會灤水水出垣縣王屋西山灤溪夾山東南流逕故城東即灤關也漢光武建武二年遣司空王梁北守灤關天井關擊赤眉別校皆降之獻帝自陝北渡安邑東出灤關即是關也灤水西屈逕關城南歷軹關南逕苗亭西亭故周之苗邑也又東流注于河經書清水非也是乃灤水耳

水經注釋卷四終

海甯錢保塘
華陽吳祖椿覆校

水經注釋卷五

仁和趙一清誠夫錄

河水五

灤水

又東至鄧湛水從北來注之

河水又東逕河陽縣故城南春秋經書天王狩於河陽壬申公朝于王所晉侯執衛侯歸于京師春秋左傳僖公二十八年冬會于溫執衛侯是會也晉侯召襄王以諸侯見且使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽溫也班固漢書地理志司馬彪袁山松

一清按通鑑晉紀吳國
內史袁崧胡三省曰袁

九
治坂城舊名漢祖渡城險固南臨孟津河洛陽西北四
十二里故鄧鄉矣河水又逕臨平亭北帝王世紀曰光
武葬臨平亭南西望平陰者也河水又東逕洛陽縣北
河之南岸有一碑北面題云洛陽北界津水二渚分屬
城是名異春秋焉非今河北見者河陽城故縣也在治
坂西北蓋晉之溫地故羣儒有溫之論矣魏土地記曰
治坂城舊名漢祖渡城險固南臨孟津河洛陽西北四
十二里故鄧鄉矣河水又逕臨平亭北帝王世紀曰光
武葬臨平亭南西望平陰者也河水又東逕洛陽縣北
河之南岸有一碑北面題云洛陽北界津水二渚分屬

之也上舊有河平侯祠祠前有碑今不知所在郭頌世
語曰晉文王之世大魚見孟津長數百步高五丈頭在
南岸尾在中渚河平侯祠卽斯祠也河水又東逕平縣
故城北漢武帝元朔三年封濟北貞王子劉遂爲侯國
沈氏曰漢表作濟北式王子此從史表又史表貞
王子十一人其五人漢表以爲式王子莫可考也王莽
之所謂治平矣俗謂之小平也有高祖講武場河北側
岸有二城相對置北中郎府徙諸徒隸府戶并羽林虎
賁領隊防之河水南對首陽山春秋所謂首戴也夷齊
之歌所矣曰登彼西山上夷齊之廟前有二碑並是
後漢河南尹廣陵陳導洛陽令徐循與處士平原蘇騰

南陽何進等立事見其碑

全氏曰按續漢書五行志注引蔡邕作夷齊廟碑熹平五年

天下大旱禱請名山處士平原蘇騰字元成夢陟首陽有神馬之使在道明覺而思之以夢陟上聞詔使者登山升祠天尋雨是即善長所云事具其碑也又有周

然是平陽非平原考洪氏隸釋所引則是平原

公廟魏氏起元武觀於芒垂張景陽元武觀賦所謂高樓特起竦峙岩巖直亭亭以孤立延千里之清飈也朝

廷又置冰室於斯阜室內有冰井春秋左傳曰日在北

陸而藏冰常以十二月採冰於河津之隘峽石之阿北

陰之中即邪詩二之日鑿冰冲冲矣而內於井室所謂

納於凌陰者也河南有鉤陳壘世傳武王伐紂八百諸

侯所會處尚書所謂不期同時也紫微有鉤陳之宿主

鬪訟兵陣故遁甲攻取之法以所攻神與句陳并氣下

制所臨之辰則祿禽敵是以壘資其名矣河水至斯有

盟津之目論衡曰武王伐紂升舟陽侯波起疾風逆流

武王操黃鉞而麾之風波畢除中流白魚入于舟熾以

告天與八百諸侯咸同此盟尚書所謂不謀同辭也故

曰孟津亦曰盟津尚書所謂東至于孟津者也又曰富

平津晉陽秋曰杜預造河橋於富平津所謂造舟為梁

也又謂之曰陶河魏尚書僕射杜畿以帝將幸許試樓

船覆於陶河謂此也昔禹治洪水觀於河見白面長人

魚身出曰吾河精也授禹河圖而還於淵及子朝篡位

與敬王戰乃取周之寶玉沈河以祈福後二日津人得之於河上將賣之則變而為石及敬王位定得玉者獻之復為玉也河水又東沮水入焉山海經曰和山上無草木而多瑤碧實惟河之九都是山也五曲九水出焉合而北流注于河其陽多倉玉吉神泰逢司之是好居於萑山之陽出入有光呂氏春秋曰夏后氏孔甲田於東陽萑山遇大風雨迷惑入於民室皇甫謐帝王世紀以為即東首陽山也蓋是山之殊目矣今於首陽東山無水以應之當是今古世懸川域改狀矣全氏曰按魏武德郡溫縣有貝水予謂善長尚未能詳貝水之顛末則地形志所言亦襲舊文書之耳竊疑是淇梁之淇水

而誤為沮字蓋淇水正流入河支流入濟適當溫原之地善長偶有不照遠引山經之言滑突了之而云無水以應川域改狀則不識沮水之為誤文也昔帝堯修壇河洛擇良議沈率舜等升於首山而導河渚有五老遊焉相謂河圖將來告帝以期知我者重瞳也五老乃翻為流星而升於昴即於此也又東沛水注焉

又東過鞏縣北

河水於此有五社渡為五社津一清按章懷後漢書注引水經注曰五社津一

名土社津蓋異名也建武元年朱鮪遣持節使者賈彊討難將軍蘇茂將三萬人從五社津渡攻溫馮異遣校尉與寇恂合擊之大敗追至河上生擒萬餘人投河而死者數千

人縣北有山臨河謂之崆嶺邱其下有穴謂之鞏穴言
潛通淮浦北達於河直穴有渚謂之鮪渚成公子安大
河賦曰鱸鯉王鮪暮春來遊周禮春薦鮪然非時及佗
處則無故河自鮪穴已上又兼鮪稱呂氏春秋稱武王
伐紂至鮪水紂使膠鬲候周師卽是處也

洛水從縣西北流注之

洛水於鞏縣東逕洛汭北對琅邪渚入於河謂之洛口
矣自縣西來而北流注河清濁異流轍焉殊別應瑒靈
河賦曰資靈川之遐源出崑崙之神邱涉津洛之阪泉
播九道於中州者也

又東過成臯縣北濟水從北來注之

河水自洛口又東左逕平臯縣南又東逕懷縣南濟水
故道之所入與成臯分河河水又逕黃馬坂北謂之黃
馬關孫登之去楊駿作書與洛中故人處也河水又東
逕旋門坂北今成臯西大坂者也升陟此坂而東趣成
臯也曹大家東征賦曰望河洛之交流看成臯之旋門
者也河水東逕成臯大伾山下爾雅曰山一成謂之伾
許慎吕忱等並以爲邱一成也孔安國以爲再成曰伾
亦或以爲地名非也尙書禹貢曰過洛汭至大伾者也
鄭康成曰地喉也沈出伾際矣然則大伾在河內修武

武德之界沛沅之水與滎播澤出入自此然則大伾即

是山矣禹貢錐指曰鄭元云大伾在修武武德之界張揖云成臯縣山也漢書音義有臣瓚者以為修

武德無此山也成臯縣山又不一成今黎陽縣山臨

河豈不是大伾乎又曰薛士龍曰大伾山許慎說文今

黎陽之黎山是其說不始于臣瓚矣今按伾二字說

文俱無伾字下引詩以車伾伾壞字下云邱再成者與

孔傳同並無薛何由見且鄭康成生于慎後張揖三國

時此書已亡薛何由見且鄭康成生于慎後張揖三國

魏人可見漢魏時未有指黎山為大伾者實臣瓚倡之

鄭元猶不從從瓚自穎達始此後人勝前人處薛所稱

疑是徐鍇說文繫傳語出楚金誤為叔重耳又云大伾

山在汜縣西一里有大澗九曲一名九曲山西去洛口

裁四十里非禹貢 伾北即經所謂濟水從北來注之者

之大伾也明甚 也今沛水自溫縣入河不于此也所入者奉溝水耳即

沛沅之故瀆矣禹貢錐指曰濟水於武德入河南直成

故道盡陷河中濟水唯從枝津之台溟水者至孟縣東

南入河南至孟津縣其流益短矣 成臯縣之故城在伾

由大禹而來濟入河之道凡再變 上滎帶伾阜絕岸峻周高四十許丈城張翁嶮崎而不

平春秋傳曰制嚴邑也虢叔死焉即東虢也魯襄公二

年七月晉成公與諸侯會于戚遂城虎牢以逼鄭求平

也蓋修故耳穆天子傳曰天子射鳥獫獸於鄭圃命虞

人掠林有虎在於葭中天子將至七萃之士高奔戎生

擒虎而獻之天子命之為柙畜之東虞全氏曰按東虞

東虢是也元和志 是曰虎牢矣然則虎牢之名自此始

引此文作東隅 也秦以為關漢乃縣之城西北隅有小城周三里北面

也秦以為關漢乃縣之城西北隅有小城周三里北面

列觀臨河若若孤上景明中言之壽春路直茲邑昇眺
清遠勢盡川陸羈途游至有傷深情河水南對玉門昔
漢祖與滕公潛出濟於是處也門東對臨河側岸有土
穴魏攻北司州刺史毛德祖於虎牢戰經二百日不尅
城惟一井井深四十丈山勢峻峭不容防捍潛作地道
取井余頃因公至彼故往尋之其穴處猶存河水又東
合汜水水南出浮戲山世謂之曰方山也北流東關水
出於嵩渚之山也泉發於層阜之上二源兩枝分流瀉
注世謂之石泉水也東流爲索水西注爲東關水西北
流楊蘭水注之水出非山西北流注于東關水又西北

清水入焉水自東浦西流與東關水合而亂流注于汜
汜水又北右合石城水水出石城山其山複澗重嶺欹
疊若城山頂泉流瀑布懸瀉下有濫泉東流洩注邊有
數十石畦畦有野蔬巖側石窟數口隱跡存焉而不知
誰所經始也又東北流注于汜水汜水下北合鄆水水
西出婁山至冬則煖故世謂之溫泉東北流逕田鄆谷
謂之田鄆溪水東流注于汜水汜水又北逕虎牢城東
漢破司馬欣曹咎於是水之上汜水又北流注于河征
艱賦所謂步汜口之芳草弔周襄之鄙館者也余按先
儒之論周襄所居在潁川襄城縣是乃城名非爲水目

原夫致繆之由俱以汜鄭爲名故也是爲爽矣又按郭緣生述征記劉澄之永初記並言高祖卽帝位於是水之陽今不復知舊壇所在盧譙崔雲亦言是矣余按高皇帝受天命於定陶汜水又不在此也於是求壇故無髣髴矣河水又東逕板城北有津謂之板城渚口河水又東逕五龍塢北臨長河塢有五龍祠應劭云崑崙山廟在河南滎陽縣疑卽此祠所未詳

又東過滎陽縣北蕩蕩渠出焉

大禹塞滎澤開之以通淮泗卽經所謂蕩蕩渠也

全氏曰以

滎澤爲禹所塞善長之繆極矣一清按禹貢豫州云滎波既豬禹陂水爲澤故道元濟水注云大禹塞其淫水

則指既豬而言此言禹塞滎澤辭不達意未爲大非惟云開之以通淮泗則指鴻溝爲禹迹乃其繆耳漢

平帝之世河汴決壞未及得修汴渠東侵日月彌廣水門故處皆在河中漢明帝永平十二年議治汴渠上乃引樂浪人王景問理水形便景陳利害應對敏捷帝甚善之乃賜山海經河渠書禹貢圖及以錢帛後作堤發卒數十萬詔景與將作謁者王吳共築堤防修塌起自滎陽東至千乘海口千有餘里景乃商度地勢鑿山開湖防邊衝要疏決壅積十里一水門更相洄注無復滲漏之患明年渠成帝親巡行詔濱河郡國置河堤員吏如西京舊制景由是顯名王吳及諸從事者皆增秩一

等順帝陽嘉中又自汴口以東緣河積石為堰通古渠

口咸曰金堤靈帝建甯中又增修石門以遏渠口水盛

則通注津耗則輟流禹貢雖指曰司馬彪不志河渠東漢以後無可考據賴有水經注存

其所敘當時見行之河自涼城縣長壽津東逕鐵邱南至東北逕甲下邑北又東北入于海皆東漢以後大河

之所行也又曰王景修渠築堤自滎陽東至千乘海口千餘里則其所治者即東漢以後大河之經流也而史

稱汴渠又曰汴渠成始終皆不言河蓋建都洛陽東方之漕全資汴渠故惟此為急河汴分流則運道無患治

河所以治汴也自平帝之後汴流東侵日月益甚建武十年陽武令張汎上言河決積久侵毀濟渠漂數十許

縣是其時濟亦決敗矣莽時河人濟南千乘則侵濟處更多故築堤自滎陽至千乘海口千餘里承平十三年

詔曰河汴分流復其舊迹陶邱以北漸就墳壤十五年景從駕東巡至無鹽帝美其功拜河堤使者賜車馬

錢陶邱今定陶無鹽今東平皆濟水所經之地也二渠既成則東南之漕由汴入河西北之漕由濟入河舳舻

千里輓輸不絕京師無匱乏之憂矣又曰武帝疎于討論執北瀆為禹河及哀平之世人始有知禹河之所經

者意欲復禹故道而國事阡危事不可為矣承平上距平帝時僅六十餘歲故道豈遽堙滅而王景治河唯從

事汴濟蓋當時所急在運道就其便者為之不暇遠圖耳史稱景鑿山阜截溝澗防遏衝要疏決壅滯十里立

一水門費以百億計財力之充裕若是向使講求禹迹故道而復之則河流歸北汴濟不勞而治功施到今五

代以降潰溢橫流之禍可以免矣惜乎其見不及此也河雖徙自周定王時而東光以下至章武入海猶是徒

駭之故道至王莽時始改從千乘入海而景河水又東遂因之禹迹蕩然無存君子於此有遺憾焉

北逕卷之扈亭北春秋左傳曰文公七年晉趙盾與諸

侯盟于扈竹書紀年晉出公十二年河絕於扈即於此

也河水又東逕八激堤北漢安帝永初七年令謁者太

山于岑於石門東積石八所皆如小山以捍衝波謂之

水經注釋卷五

水經注釋

卷五

九

水

經

注

釋

卷五

九

水

經

注

八激堤河水又東逕卷縣北晉楚之戰晉軍爭濟舟中之指可掬楚莊祀河告成而還卽是處也河水又東北逕赤岸固北而東北注之

又東北過武德縣東沁水從西來注之

河水自武德縣漢獻帝延康元年封曹叡爲侯國卽魏明帝也東至酸棗縣西濮水東出焉漢興三十有九年孝文時河決酸棗東潰金堤大發卒塞之故班固云文壇棗野武作瓠歌謂斷此口也今無水河水又東北通謂之延津石勒之襲劉曜途出於此以河冰泮爲神靈之助號是處爲靈昌津昔澹臺子羽齎千金之璧渡河

陽侯波起兩蛟挾舟子羽曰吾可以義求不可以威劫操劍斬蛟蛟死波休乃投璧於河三投而輒躍出乃毀璧而去示無恡意趙建武中造浮橋於津上採石爲中濟石無大小下輒流去用功百萬經年不就石虎親閱作工沈璧於河明日璧流渚上波蕩上岸遂斬匠而還河水又逕東燕縣故城北則有濟水自北來注之河水於是有棘津之名亦謂之石濟津故南津也春秋僖公二十八年晉將伐曹曹在衛東假道於衛衛人不許還自南河卽此濟也河水於是亦有石濟之名晉伐陸渾亦於此渡宋元嘉中遣輔國將軍蕭斌率甯朔將軍王

元謨北入宣威將軍垣護之以水軍守石濟即此處也

一清按石濟資治通鑑作文石津懷帝紀永嘉四年石勒為王讚所敗退屯文石津胡三省曰據帝紀文石津

在河北又據永嘉六年勒自葛陂北行至東燕使孔萇自文石津潛渡枋頭取向永船則文石津在東燕之東

北枋頭之東南蓋濟者津渡之名河水又東淇水入焉

非四瀆之濟井非常山之石濟也

又東逕遮害亭南漢書溝洫志曰在淇水口東十八里

有金隄隄高一丈自淇口東地稍下隄稍高至遮害亭

高四五丈又有宿胥口舊河水北入處也河水又東右

逕滑臺城北一清按何氏焯曰自滑臺城北至長壽津皆古潒也胡東樵亦以為然詳見河水又東至東光縣故城西城有三重中小城謂之滑臺城舊

傳滑臺人自修築此城因以名焉城即故鄭廩延邑也

下有延津春秋傳曰孔惺為蒯瞶所逐載伯姬于平陽

行于延津是也一清按今本左傳哀十六年載伯姬于平陽而行及西門無于延津字蓋鄭氏

所見之書異矣廩延南故城即衛之平陽亭也今時人謂此津

為延壽津宋元嘉中右將軍到彥之畱建威將軍朱修

之守此城魏軍南伐修之執節不下其母悲憂一旦乳

汁驚出母乃號踴告家人曰我年老非有乳時今忽如

此吾兒必沒矣修之絕援果以其日陷沒城故東郡治

續漢書曰延熹九年濟陰東郡濟北平原河水清襄楷

上疏曰春秋注記未有河清而今有之易乾鑿度曰上天將降嘉應河水先清京房易傳曰河水清天下平天

垂異地吐妖民厲疾三者並作而有河清春秋麟不當見而見孔子書以爲異河者諸侯之相清者陽明之徵豈獨諸侯有窺京師也明年宮車晏駕徵解瀆侯爲漢嗣是爲靈帝建甯四年二月河水又清也

又東北過黎陽縣南

黎侯國也詩式微黎侯寓于衛是也晉灼曰黎山在其南河水逕其東其山上碑云縣取山之名取水之陽以爲名也王莽之黎蒸也今黎山之東北故城蓋黎陽縣之故城也山在城西憑山爲基東咀於河故劉楨黎陽山賦曰南蔭黃河左覆金城青壇承祀高碑頌靈昔

慕容元明自鄴率衆南徙滑臺旣無舟楫將保黎陽昏而流澌冰合於夜中濟訖旦而冰泮燕民謂是處爲天橋津東岸有故城嶮帶長河戴延之謂之遂明壘周二十里言遂明石勒十八騎中之一城因名焉郭緣生曰城袁紹時築皆非也余按竹書紀年梁惠成王十一年鄭釐侯使許息來致地平邱戶牖首垣諸邑及鄭馳道我取枳道與鄭鹿卽是城也今城內有故臺尙謂之鹿鳴臺又謂之鹿鳴城王元謨自滑臺走鹿鳴者也濟取名焉故亦曰鹿鳴津又曰白馬濟津之東南有白馬城衛文公東徙渡河都之故濟取名焉袁紹遣顏良攻東

郡太守劉延於白馬關羽爲曹公斬良以報効卽此處也白馬縣有韋鄉韋城故津亦有韋津之稱史記所謂下修武渡韋津者也河水舊於白馬縣南洑通濮濟黃溝故蘇代說燕曰決白馬之口魏無黃濟陽竹書紀年梁惠成王十二年楚師出河水以水長垣之外者也金堤旣建故渠水斷尙謂之白馬瀆故瀆東逕鹿鳴城南又東北逕白馬縣之涼城北耆舊傳云東郡白馬縣之神馬亭實中層峙南北二百步東西五十許步狀邱斬城也自外耕耘墾斫落平盡正南有躔陞陟上方軌是由西南側城有神馬寺樹木修整西去白馬津可二

十許里東南距白馬縣故城可五十里疑卽開山圖之所謂白馬山也山下常有白馬羣行悲鳴則河決馳走則山崩注云山在鄭北故鄭也所未詳劉澄之云有白馬塞孟達登之長歎可謂于川土疎妄矣亭上舊置涼城縣治此白馬瀆又東南逕濮陽縣散入濮水所在決會更相通注以成往復也河水自津東北逕涼城縣河北有般祠孟氏記云祠在河中積石爲基河水漲盛恆與水齊戴氏西征記曰今見祠在東岸臨河累石爲壁其屋宇容身而已殊似無靈不如孟氏所記將恐言之過也河水又東北逕伍子胥廟南祠在北岸頓邱郡界

臨側長河廟前有碑魏青龍三年立河水又東北為長

壽津述征記曰涼城到長壽津六十里

河之故瀆出焉

禹貢錐指曰按水經東漢人所撰凡稱故水不至又無他水行其中孟康所云王莽時空者唯此耳故謂之大河故瀆其自長壽津以西至宿胥口為東漢見行之河則敘入河水東光以北至章武為清河漳水之所行則敘入清河漳水並不列大河故瀆

漢書溝洫志曰河之為中國害尤甚故導河自積石歷

龍門醜二渠以引河一則潔川今所流也一則北瀆王

莽時空故世俗名是瀆為王莽河也

漢書作灑史記舊本亦作灑字從水韋昭云疏決為灑字音疏跬反顏師古音山支反然則灑字近本之誤耳漢書溝洫志注孟康曰醜分也分其流泄其怒也二渠其一出貝邱西南折者也其一則潔川也河自王莽時

遂空唯故瀆東北逕戚城西春秋哀公二年晉趙鞅率

師納衛太子蒯聩于戚宵迷陽虎曰右河而南必至焉

今頓邱衛國縣西戚亭是也為衛之河上邑漢高帝十

二年封將軍李必為侯國矣

一清按史記索隱曰戚漢志關地道記屬東海又曰

案灌嬰傳云重泉人李必此云季必誤也然則酈注所引是漢書列傳而表亦作季必與史表同漢書百官公卿表元狩四年戚侯李信成為太常即必曾孫又史記灌嬰傳索隱曰姚氏云按漢紀桓帝延熙二年追錄高祖功臣李必後黃門丞李遂為晉陽關內侯則作李姓者是也又戚是衛邑東海亦有之地理志東海郡戚縣註引鄭氏曰音憂戚故城在山東滕縣西南五十里本秦縣史記曹參嘗遷為戚令是也此戚在今開州北七里李必封邑當在東海如小故瀆又逕繁陽縣故城東司馬說姚氏察也鄭氏德也

史記趙將廉頗伐魏取繁陽者也北逕陰安縣故城西

漢武帝元朔五年封衛不疑為侯國故瀆又東北逕樂昌縣故城東地理志東郡之屬縣也

一清按漢志東郡有樂昌縣後漢省

今本作昌樂縣誤舊唐書地理志以為晉置昌樂而晉志不載魏書地形志昌樂縣太和二十一年分魏置似非漢

漢宣帝封王稚君為侯國一清按褚表樂昌侯王君弟也索隱曰表在汝南按地理志汝南無樂昌徐廣曰細陽之池陽鄉也細陽汝南郡屬縣道元蓋誤證也

故瀆又東北逕平邑郭西竹書紀年晉烈公四年日當

作二趙城平邑五年田公子居思伐邯鄲圍平邑十年

齊田肸及邯鄲韓舉戰于平邑邯鄲之師敗逋獲韓舉

取平邑新城又東北逕元城縣故城西北而至沙邱堰

史記曰魏武侯公子元食邑於此故縣氏焉

朱氏謀瑋箋曰公子

元食邑於此出漢書地理志應劭注非史記也一清按

漢志常山郡元氏縣下師古又引闕駟云趙公子元之

封邑故曰元氏史記趙世家惠成王十一年城元氏洪

邁容齋隨筆疑之曰二邑命名不應相似如此竊謂闕

駟十三州志之說多本仲瑗或誤以魏為趙師古兩引之非矣郭東有五鹿墟墟之左

右多陷城公羊曰襲邑也說曰襲陷矣郡國志曰五鹿

墟故沙鹿有沙亭周穆王喪盛姬東征舍於五鹿其女

叔姓屈此思哭是曰女姓之邱為沙鹿之異名也春秋

左傳僖公十四年沙鹿崩晉史卜之曰陰為陽雄土火

相乘故有沙鹿崩後六百四十五年宜有聖女興其齊

田平後王翁孺自濟南徙元城正直其地日月當之王

氏為舜後土也漢火也王禁生政君其母夢見月入懷

年十八詔入太子宫生成帝為元后漢祚道汗四世稱
 制故曰火土相乘而為雄也及崩大夫揚雄作諫曰太
 子之精沙鹿之靈作合于漢配元生成者也漢獻帝建
 安中袁紹與曹操相襲於官渡紹逼大司農鄭元載病
 隨軍屆此而卒郡守已下受業者袁紹赴者千餘人元
 注五經識緯候歷天文經通於世故范史贊曰孔書遂
 明漢章中輟矣一清按後漢書贊云元定義乖褒修禮
 合傳故章懷注云中輟謂曹褒禮不行也則漢縣北有
沙邱堰者禹貢錐指曰水經以王莽河為禹河故以沙
 邱堰為禹迹推其意似謂古河本東行禹作
 此堰以障之使北而九河自此播焉不遵其道是為降
 水唐人云河自貴鄉縣界分為九道宗此說也然禹河

不經元城此堰必非禹所作黃文叔云今澶州臨河有
 鯨隄自黎陽入北至恩州清河歷亭皆有之然則降
 者自元城以魏地北與趙接壤賈讓云隄防之作或曰
 元城為戰國魏地北與趙接壤賈讓云隄防之作或曰
 戰國壅防百川各以自利齊與趙魏以河為境趙魏
 山齊地卑下作隄過水使西泛趙魏以河為境趙魏
 之沙邱堰疑趙所全以障水使不得北而注于齊魏所
 謂以隣國為壑者也全氏曰此下有脫文當補尚書北
 過降水之故道也沙邱堰中論降水曰館陶北出屯氏河其
 言降水而濁漳水注中論降水曰館陶北出屯氏河其
 故道與是明以沙邱堰一帶為降水故館陶北出屯氏河其
 一句一清按全說也沙邱堰在魏州大縣下云本漢
 元城縣地水經注云沙邱堰在魏州大縣下云本漢
 處有脫誤通魏州治貴鄉元城二縣今本無之則知此
 潰俗曰王莽河魏書地志元城二縣今本無之則知此
 不及知元和志云後魏孝昌三年魏尹貴鄉縣有天平二
 代志前燕慕容容置屬昌樂郡則先曾置縣旋廢復
 立于天平二年地志略前注云後大為疎矣且道元格
 守班固漢志魏郡鄴縣下分註云故大河在東北故大

河即大河故瀆今註無鄴縣是知其缺失多矣東樵不
察注文縣北有沙邱堰者與下不遵其道日降義不連
屬以意測識不遵其道日降亦日潰堰障水也至於大
不亦誣乎

陸北播為九河

古文尙書疏證曰按水經注河水篇凡
五敘至長壽津而止下便及大河故瀆

故瀆皆周漢以來之新道非禹河故道也然中有至于
大陸北播于九河經文及注一段河上不與元城縣沙邱
堰相次下不與沙邱堰南分屯氏河出焉相次分明經
注別有及禹河故道者惜不傳耳偶聞于黃子鴻鶩日
某讀水經注三十年從未聞此論參以濁漳水條詳北
過泮水是禹自大任以下至入海處了了然見于經
註或當日有意互見或後人任意錯簡了一清按潛邱既
不識縣北有沙邱堰者下有脫文又不悟此九字是注
混作經蓋水經一書從無直鈔禹貢風俗通日河播也
經文之例其得間猶未精于考核爾

昔禹治洪水播為九河自此始也禹貢兗州九河既道
謂徒駭太史馬頰覆釜胡蘇簡潔句盤鬲津也同為逆

河鄭元日下尾合日逆河言相承受矣蓋所潤下之勢

以通河海及齊桓霸世塞廣田居同為一河故自堰以

北館陶慶陶貝邱鬲般廣川信都東光河間樂成以東

城地並存川瀆多亡漢世河決金隄南北離其害議者

當欲求九河故迹而穿之未知其所是以班固云自茲

距漢北亡八枝者也

禹貢錐指日許商云徒駭在成平
漳水即徒駭古之九河並東北出

至章武高城柳縣之東合為逆河入海及周定王時河
徙自東光南皮浮陽絕八枝而北合徒駭漢人指此為
逆河是九河之所同故王莽改勃海郡日迎河郡南皮
縣日迎河亭而其實非也以意度之徒駭大勢北行亦
迤東八枝太史最北宜最短向南則漸加長鬲津最南
最長首受大河當在南宮縣界也要之九河所在後人
率多附會馮遂云九河既滅難明班固云自茲距漢北
亡八枝酈道元云城地並存川瀆多亡斯為實錄無俟

深求

河之故瀆自沙邱堰南分屯氏河出焉

河水故瀆東北逕發干縣故城西又屈逕其城北王莽之所謂戢楯矣漢武帝以大將軍衛青破右賢王功封其子登為侯國大河故瀆又東逕貝邱縣故城南應劭曰左氏傳齊莊公田于貝邱是也余按京相璠杜預並言在博昌即司馬彪郡國志所謂貝中聚者也應注於此事近違矣大河故瀆又東逕甘陵縣故城南地理志之所謂厝也王莽改曰厝治者也漢安帝父孝德皇以太子被廢為王薨於此乃其葬地尊陵曰甘陵桓帝建

和元年改曰甘陵縣亦取名焉

一清按是注殊欠分曉續漢志清河國劉昭補

注云高帝置桓帝建和二改為甘陵又云甘陵故厝安帝更名則是安帝更名厝縣為甘陵縣而桓帝改清河國為甘陵國也後漢書清河孝王慶傳亦云梁冀惡清河名乃改為甘陵於文當云尊陵曰甘陵縣亦取名焉趙帝建和二改是周之甘泉市地也陵在瀆北邱墳高巨雖中經發壞猶若層陵矣世謂之唐侯冢城曰邑城皆非也昔南陽文叔良以建安中為甘陵丞夜宿水側趙人蘭襄夢求改葬叔良明循水求棺果於水側得棺半許落水叔良顧親舊曰若聞人傳此吾必以為不然遂為移殯酸而去之大河故瀆又東逕艾亭城南又東逕平晉城南今城中有浮圖五層上有金露盤題

云趙建武八年比釋道龍和上竺浮圖澄樹德勸化興

立神廟浮圖已壞露盤尚存煒煒有光明大河故瀆又

東北逕靈縣故城南王莽之播亭也河水於縣別出為

鳴犢河大河故瀆又東逕郟縣故城東呂后四年以父

嬰功封子佗襲為侯國一清按史記惠景間侯者年表

侯謂佗襲父功為侯耳漢書高惠高后文功臣表俞

侯呂佗可知佗只單名酈注連佗襲為稱蓋其誤也王

莽更名之曰善陸大河故瀆又東逕平原縣故城西而

北絕屯氏二瀆北逕繹幕縣故城東北西流逕平原鬲

縣故城西地理志曰鬲津也一清按漢志云王莽名之

曰河平亭故有窮后羿國也應劭曰鬲偃姓咎繇後氏全

曰按先贈公曰有鬲氏當是夏之同姓應氏以光武建

為偃姓恐非若以為有窮之國則竟大謬矣

武十三年封建義將軍朱祐為侯國大河故瀆又北逕

修縣故城東又北逕安陵縣西本修之安陵鄉也地理

風俗記曰修縣東四十里有安陵鄉故縣也又東北至

東光縣故城西而北與漳水合禹貢錐指曰禹釀二渠

流為大河一東為潞川周定王五年河徙自宿胥口東

行潞川又逕滑臺城又東北逕黎陽縣南又東北逕涼

城縣又東北為長壽津河至此與潞別行而東北入海

水經謂之大河故瀆大河故瀆東北逕戚城西北至東光

縣故城西而北與漳水合故城在今東光縣東淇水篇

云清河自東光縣西南又東北右會大河故瀆濁漳水

篇云漳水自阜城縣故城北又東北逕成平縣南又東

北入清河故大河也大河自宿胥口徙流至成平合漳

水復歸禹河故道又東北歷浮陽參戶平舒至成平合漳

水經注卷之五

瀆遂空凡六

百七十二歲

一水分大河故瀆北出為屯氏河逕館陶

縣東東北出漢書溝洫志曰自塞宣防河復北決於館

陶縣分為屯氏河廣深與大河等成帝之世河決館陶

及東郡金隄上使河堤謁者王延世塞之三十六日河

堤成詔以建始五年為河平元年以延世為光祿大夫

是水亦斷屯氏故瀆水之又東北屯氏別河出焉屯氏

別河故瀆又東北逕信成縣張甲河出焉地理志曰張

甲河故瀆一清按漢志分註無首受屯氏別河於信成

縣者也張甲河故瀆北絕清河於廣宗縣分為二瀆左

瀆逕廣宗縣故城西又北逕建始縣故城東田融全氏

日按

五代志燕太傅長

史田融著趙書云趙武帝十二年立建興郡治廣宗

置建始興德五縣隸焉左瀆又北逕經城東繚城西又

逕南宮縣西北注絳瀆右瀆又東北逕廣宗縣故城南

又東北逕界城亭北又東北逕長樂郡武彊縣故城東

長樂故信都也晉太康五年改從今名一清按長樂郡

志云又東北逕廣川縣與屯氏河水故道合又東北逕

廣川縣故城西又東逕棘津亭南徐廣曰棘津在廣川

司馬彪曰縣北有棘津城呂尙賣食之困疑在此也劉

澄之云譙郡鄆縣東北有棘津亭故邑也呂尙所困處

也余按春秋左傳伐巢克棘入州來無津字杜預春秋

釋地全氏曰杭世駿曰杜預書名釋例所謂釋地特其中一種耳當作釋例予謂非也引班書者但云地理志引續書者或云郡國志莫之非也又言棘亭在鄆然則引釋例而但云釋地庸何傷乎

縣東北亦不云有津字矣而竟不知澄之於何而得是說然天下以棘為名者多未可咸謂之棘津也又春秋昭公十七年晉侯使荀吳帥師涉自棘津用牲于洛遂滅陸渾杜預釋地闕而不書服虔曰棘津猶孟津也徐廣晉紀又言石勒自葛陂寇河北襲汲人向冰於枋頭濟自棘棘津在東郡河內之間田融以為即石濟南津也雖千古茫昧理世元遠遺文逸句容或可尋沿途隱顯方土可驗司馬遷云呂望東海上人也老而無遇以

釣于周文王又云呂望行年五十賣食棘津七十則屠牛朝歌行年九十身為帝師皇甫士安云欲隱東海之濱聞文王善養老故入釣于周今汲水城亦言有呂望隱居處起自東海迄於豐雍緣其逕趣趙魏為密厝之譙宋事為疎矣一清按名勝志引水經注云清河又東上有古臺者舊相傳呂望賣漿臺疑是清水篇注之逸文又司馬彪郡國志云清河國廣川縣故屬信都棘津城劉昭補注云太公呂尚困於棘津城在琅琊海曲非此城也琅琊國西海縣補注引博物記云太公望所出今有東呂鄉又釣于棘津其浦尚存西海縣即前漢之海曲縣也今莒州日照縣是是真所謂東海者矣道元以劉澄之之說為非今張甲故瀆又東北至修縣東觀昭注較酈氏為尤密也一作修分註作

會清河十三州志曰張甲河東北至修縣

一作修分註作

舊顏師古曰音條入清漳者也屯氏別河又東枝津出焉東逕

信成縣故城南又東逕清陽縣故城南清河郡北魏自

清陽徙置也又東北逕陵鄉南又東北逕東武城縣故

城南又東北逕東陽縣故城南地理志曰王莽更之曰

胥陵矣俗人謂之高黎郭非也應劭曰東武城東北三

十里一作清按淇水篇注引應劭語有陵鄉故縣也又東

散絕無復津逕屯氏別河又東北逕清河郡南又東北

逕清河故城西漢高帝六年封王吸為侯國一清按史表清陽侯

王吸索隱曰漢表作清河地理志清陽清河郡之屬縣

也寰宇記云後漢甘陵國除復為縣晉省于厝城西南

十七里置清河縣魏又移清河縣并清河郡于故厝城

中又云清陽漢縣後漢并入甘陵西晉省甘陵于此置

清河郡理清陽縣復漢名今注云地理風俗記曰甘陵

郡東南十七里有清河故城者世謂之鵲城也一清按續漢志

云甘陵故厝鵲城即厝城之又東北逕繹幕縣南分為

二瀆屯氏別河北瀆東逕繹幕縣故城南東絕大河故

瀆又東北逕平原縣枝津北出至安陵縣遂絕屯氏別

河北瀆又東北逕重平縣故城南應劭曰重合縣西南

八十里重平鄉故縣也又東北逕重合縣故城南又

東北逕定縣故城南漢武帝元朔四年封齊孝王子劉

成為侯國一清按成史漢表皆作越史表云諡敬漢表

音芳无切無躍音疑誤也嘗考當作敷字中山靖地理

王子有臨樂放侯光齊太史敷徐廣音躍可證也

風俗記曰饒安縣東南三十里有定鄉城故縣也屯氏別河北瀆又東入陽信縣今無水又東為咸河東北流逕陽信縣故城北地理志勃海之屬縣也東注于海屯氏別河南瀆自平原東絕大河故瀆又逕平原縣故城北東北枝津右出東北至安惠縣界東會商河屯氏別河南瀆又東北于平原界又有枝渠右出至安惠縣遂絕屯氏別河南瀆自平原城北首受大河故瀆東出亦通謂之篤馬河即地理志所謂平原縣有篤馬河東北入海行五百六十里者也東北逕安惠縣故城西又東北逕臨齊城南始東齊未賓大魏築城以臨之故城得

其名也又屈逕其城東故瀆廣四十步又東北逕重邱縣故城西春秋襄公二十五年秋同盟于重邱伐齊故也應劭曰安惠縣北五十里有重邱鄉故縣也又東北

逕西平昌縣故城北北海有平昌縣故加西一清按漢志有兩平昌縣一屬平原郡一屬瑯琊郡續志北海國平昌侯國故屬瑯琊而平原郡無之平原郡九縣數之適合是省併也晉志平原國西平縣蓋今誤本脫去昌字地形志安德郡平昌縣下云二漢晉屬平原後漢晉曰西平昌是西平昌之名沿于典

漢宣帝元康元年封王長君為侯國沈氏曰漢表是地節四年善長蓋從褚表王長君名無故故渠川派東入般縣

為般河蓋亦九河之一道也漢書稱公孫瓚破黃巾于

般河即此瀆也一清按當作後漢書又漢志註如淳曰般如面般之般韋昭曰音逋垣反師古

曰爾雅說九河云鈞般郭璞以為水曲如鈞流般桓也然今土俗用如韋之音又東為白鹿淵

水南北三百步東西千餘步深三丈餘其水冬清而夏

濁渟而不流若夏水洪泛水深五丈方乃通注般瀆焉

又逕般縣故城北王莽更之曰分明也東逕樂陵縣故

城北地理志曰故都尉治伏琛晏謨言平原邑今分為

郡又東北逕陽信縣故城南東北入海屯氏河故瀆自

別河東逕甘陵之信鄉縣故城南地理志曰順帝更名

安平一清按此是應劭註本云信都國明帝更名樂安

安帝改曰安平國司馬彪郡國志安平國故信都

延光元年改延光為安帝紀年非順帝也道元誤矣應劭曰甘陵西北十七里有

信鄉故縣也屯氏故瀆又東逕甘陵縣故城北逕靈縣

北又東北逕郟縣與鳴犢河故瀆合上承大河故瀆於

靈縣南地理志曰河水自靈縣別出為鳴犢河者也東

北逕靈縣東東入郟縣而北合屯氏瀆屯氏瀆兼鳴犢

之稱也又東逕郟縣故城北東北合大河故瀆謂之靈

鳴犢口十三州志曰鳴犢河東北至脩入屯氏考瀆則

不至也一清按漢志魏郡館陶縣下云河水別出為屯

氏河東北至章武入海過郡四行千五百里者

也溝洫志元帝永光五年河決清河靈鳴犢口而屯氏

河遂絕蓋屯氏河漢世絕後不復流行賴有水經及酈

注猶存故道而別河而南北二瀆而張甲河亦得附見

否則遺迹罔知名稱莫辨如師古所云臨室析州縣

誤以為毛氏河乃置毛州之失也

又東北右過衛縣南又東北過濮陽縣北瓠子河出焉

河水東逕鐵邱南春秋左氏傳哀公二年鄭罕達帥師救衛郵無郵御簡子衛太子爲右登鐵上望見鄭師衆太子自投車下卽此處也京相璠曰鐵邱名也杜預曰在戚南河之北岸有聶城城戚邑也東城有子路冢河之西岸有竿城郡國志曰衛縣有竿城者也河南有龍淵宮武帝元光中河決濮陽汜郡十六發卒十萬人塞決河起龍淵宮蓋武帝起宮於決河之傍龍淵之側故曰龍淵宮也河水東北流而逕濮陽縣北爲濮陽津故城在南與衛縣分水城北十里有瓠河口有金隄宣防堰粵在漢世河決金隄涿郡王尊自益州刺史遷東郡

太守

一清按漢書尊自徐州刺史遷東郡太守非益州也

河水盛溢泛浸瓠子金

隄決壞尊躬率民吏投沈白馬祈水神河伯親執圭璧

請身填隄廬居其上吏民皆走尊立不動而水波齊足

而止公私壯其勇節河水又東北逕衛國縣南東爲郭

口津

黃氏曰郭口一作國口全氏曰亦作谷口方輿紀要晉太元十年秦苻丕與晉將檀元戰于谷口胡三省註谷口在枋頭西卽此處也漢志河內郡隆慮縣

國水東至信成入張甲河過郡三行一千八百四十里凡漢志之水大較皆見于水經注獨國水不著蛛絲馬跡蓋賴此文胡東譙求其詳而不得竟以淇水當之非也漢志淇出共而國出隆慮淇入大河而國入張甲河源流判然水經以淇出隆慮隆慮與共本屬接壤或是水源之互見然未可遂以國水當之也東京以後張甲之瀆已枯而國水無所考見道元亦遂失之使國水卽是淇水則遮害亭上淇已入河矣
河水又東逕鄆城縣安得至此又以國口名其津哉

北故城在河南一十八里王莽之鄆良也沈州舊治魏武創業始自於此河上之邑最爲峻固晉八王故事曰東海王越治鄆城城無故自壞七十餘丈越惡之移治濮陽城南有魏使持節征西將軍太尉方城侯鄧艾廟廟南有艾碑秦建元十二年廣武將軍沈州刺史關內侯安定彭超立河之南岸有新城宋甯朔將軍王元謨前鋒入河所築也北岸有新臺鴻基層廣高數丈衛宣公所築新臺矣詩齊姜所賦也爲盧關津臺東有小城崎嶇頽側臺址枕河俗謂之底閣城疑故關津都尉治也所未詳矣河水又東北逕范縣之秦亭西春秋經書

築臺于秦者也河水又東北逕委粟津大河之北卽東

武陽縣也

左會浮水故瀆

故瀆上承大河於頓邱縣而北出東逕繁陽縣故城南

應劭曰縣在繁水之陽張晏曰縣有繁淵一清按漢志註張晏曰其

界爲春秋襄公二十年經書公與晉侯齊侯盟于澶淵

杜預曰在頓邱縣南今名繁淵一清按春秋有兩澶淵襄二十一年盟于澶淵杜

預曰澶淵在頓邱縣南今名繁淵此衛地又近戚田二十六年傳云會于澶淵以討衛疆戚田此衛之澶淵也三十年會于澶淵宋災故許慎說文澶淵水在宋是爲此地司馬彪郡國志沛國杼秋故屬梁有澶淵聚則非此繁澶淵卽繁淵也亦謂之浮水焉昔魏徙大梁趙以

中牟易魏故志曰趙南至浮水繁陽即是瀆也

一清按書敘指

南曰水經澶州地名曰龍芻今本無之蓋缺失矣

故瀆東絕大河故瀆東逕五

鹿之野晉文公受塊于野人即此處矣京相璠曰今衛

縣西北三十里有五鹿城今屬頓邱縣

一清按杜預曰一在元城東一在衛縣西北寰宇記云元城東為五鹿墟即重耳乞食處此為五鹿城道元合而一之

水故瀆又東南逕衛國邑城北故衛公國也漢光武以

封周後也又東逕衛國縣故城南古斟觀應劭曰夏有

觀扈即此城也

一清按所謂觀扈是五觀漢志之畔觀與有扈同或曰即太康姦子五人王應麟曰五子述大禹之戒以作歌豈朱均管蔡比水經本

韋氏之說非也全氏曰夏時有斟灌無斟觀得無以畔斟而誤乎竹書紀年梁惠成王二年齊田壽率師伐我

圍觀觀降浮水故瀆又東逕河牧城而東北出郡國志

曰衛本觀故國姚姓有河牧城又東北入東武陽縣東

入河

又有漯水出焉

戴延之謂之武水也

一清按困學紀聞曰太史公班孟堅謂禹灑二渠以引其河一貝邱

一漯川李垂導河書曰東為漯川者乃今泉源赤河北出貝邱者乃今王莽故瀆而漢塞宣房所行二渠蓋獨

河也武河以漢武帝導河城北流而得其名

地理志曰

漯水出東武陽縣

禹治漯水無出字漯始黎陽宿胥口不僅出此也應劭於平原郡深陰縣注云出東武陽縣

蓋誤以應說為班志也續志亦云東武陽濕水出皆與

班志今漯水上承河水於武陽縣東南而北逕武陽新

異

水經注卷五

五

城東曹操為東郡所治也引水自東門石竇北注于堂池池南故基尚存中城內又立一石臺甚大城西門名冰井門門內曲中冰井猶存門外有故臺號武陽臺匝臺亦有隅雉遺迹河水又東逕武陽縣東范縣西而東北流也

一清按禹貢錐指曰河自此與漯別東北逕東阿在平等縣至千乘入海此自西漢末以迄後魏漯川之源委宋世河決商胡朝城流絕而舊迹之存者鮮矣

又東北過東阿縣北

河水於范縣東北流為倉亭津述征記曰倉亭津在范縣界去東阿六十里魏土地記曰津在武陽縣東北七十里津河濟名也河水又東歷柯澤春秋左傳襄公十

四年衛孫文子敗公徒於柯澤者也逕東阿縣故城西而東北出流注河水枝津東出謂之鄧里渠也

又東北過在平縣西

河水自鄧里渠東北逕昌鄉亭北逕碯礮城西述征記曰礮礮津名也自黃河泛舟而渡者皆為津也其城臨水西南崩于河宋元嘉七年到彥之北入拔之後失至二十七年以王元謨為甯朔將軍前鋒入河平礮礮守之都督劉義恭以沙城不堪守召元謨令毀城而還後更城之魏立濟州治此也

朱氏謀璋箋曰玉海引此河作魏置鎮守名濟州關

水衝其西南隅又崩于河即故在平縣也應劭曰在山

名也縣在山之平陸故曰在平也王莽之功崇矣經曰

大河在其西鄧里渠歷其東全氏曰此蓋約舉即斯邑

也昔石勒之隸師權屯耕於在平聞鼓角鞞鐸之聲於

是縣也西與聊城分河河水又與鄧里渠合水上承大

河於東阿縣西東逕東阿縣故城北故衛邑也應仲瑗

曰有西故稱東魏封曹植為侯國朱氏謀瑋箋曰按魏

東阿非侯國也大城北門內西側阜上有大井其巨若輪深六

七丈歲嘗煮膠以貢天府本草所謂阿膠也故世俗有

阿井之名縣出佳繒縑故史記云秦昭王服太阿之劍

阿縞之衣也又東北逕臨邑縣與將渠合又北逕在平

縣東臨邑縣故城西北流入於河河水又東北流逕四

瀆津津西側岸臨河有四瀆祠東對四瀆口河水東分

沛亦曰沛水受河也然滎口水斷石門不通始自是出

東北流逕九里與清水合故沛瀆也自河入沛自沛入

淮自淮達江水徑周通故有四瀆之名也昔趙一清按

子世家及家語趙下當殺鳴犢仲尼臨河而歎自是而

返曰丘之不濟命也夫琴操以為孔子臨狄水而歌云

狄水衍兮風揚波舟楫顛倒更相加余按臨濟故狄也

是濟所逕得其通稱于氏欽齊乘曰朱子韓文考異曰

流四瀆津津灌注之河水東分濟水至東阿在平等縣東北

歎作歌曰秋之水兮風揚波舟楫顛倒更相加歸來歸
 來胡為期臨濟故秋也是濟所經得其通稱詳此則是
 濟水自滎澤之下潛流至此四瀆津口而復出河又東
 分一支與之合流以過臨濟而為狄水然此皆齊地在
 今濟鄆之間史記以爲孔子自衛將西見趙簡子則其
 道不當出此又不可曉者今姑闕之以俟深于地理者
 考焉按漢陳留郡平邱縣有臨濟亭故狄也蓋濟水出
 陶邱北南被孟豬北瀆注巨野亭臨此瀆故曰臨濟春
 秋時狄人據此因以名焉此水夫子所歌至王莽時枯
 竭水經所謂濟枯渠注巨野者也其自巨野至四瀆津
 與河合流者乃齊之清河水經所謂得其通稱者是也
 漢千乘郡別有狄縣安帝更名臨濟唐又別以漢東朝
 濟鎮也文公蓋疑于此云 **河水又逕楊虛縣之故城東**
 俗猶謂是城曰陽城矣河水又逕荏平城東城內有故
 臺世謂之時平城非也蓋荏時音相近耳

又東北過高唐縣東

河水於縣潔水注之水自城東北逕東武陽縣故城南

一清按此句文義難解蓋高唐潔水與東武陽潔水相
 承而有別禹貢錐指曰漢志東郡東武陽縣下云禹治
 潔水東北至千乘入海又平原郡高唐縣下云桑欽言
 入海而潔首受河自黎陽宿胥口東行潔川至長壽津始與
 周定王五年河徙從宿胥口東行潔川至長壽津始與
 然河之故瀆不經東武陽絕亦不經高唐迨漢成帝建始
 末河決館陶由東武陽絕亦不經高唐迨漢成帝建始
 水東北至千乘入海雖嘗塞治而故道猶存王莽始建
 國三年復決於此莽為元城豕墓計不堤塞明帝永平
 中之故道又為河所占上游益短矣潔水一出于東武陽
 再出于高唐據成帝以後言之觀此益知高唐在東武
 陽之東北潔水既至高唐不得復經東武陽抑或城應
 東北上脫去涼字蓋河潔分流自涼城長壽津始也應

水經注釋

劭曰縣在武水之陽王莽之武昌也然則潔水亦或武

水矣臧洪爲東郡太守治此曹操圍張超於雍邱洪以情義請袁紹救之不許洪與紹絕紹圍洪城中無食洪呼吏士曰洪於大義不得不死諸君無事空受此禍衆泣曰何忍捨明府也男女八千餘人相枕而死洪不屈紹殺洪邑人陳容爲丞謂曰甯與臧洪同日死不與將軍同日生紹又殺之士爲傷歎今城四周紹圍郭猶存水匝隍壑於城東北合爲一瀆東北出郭逕陽平縣之岡成城西郡國志曰陽平縣有岡成亭又逕陽平縣故城東漢昭帝元平元年封丞相蔡義爲侯國潔水又北絕莘道城之西北有莘亭春秋桓公十六年衛宣公使

伋使諸齊令盜待于莘伋壽繼殞于此亭京相璠曰今平原陽平縣北一十里有故莘亭道阨限蹊要自衛適齊之道也望新臺於河上感二子於宿齡詩人乘舟誠可悲矣今縣東有二子廟猶謂之孝祠矣潔水又東北

逕樂平縣故城東縣故清也漢高帝八年封空中於清

漢少弟翁孫于樂平

沈氏曰漢表作室中同徐廣云一作室中宣帝封許廣索隱曰室中姓也史表作空中脫同字
清也一清按此是褚表之謬而道元誤承之者漢表樂成侯許延壽翁孫延壽字也褚少孫以爲樂平樂平是霍山封邑非翁孫也詳具漳水篇吾于此更有一疑地理志東郡清縣師古註引應劭曰章帝更名樂平夫樂平既自章帝則何以宣帝時封邑即有此稱且班固于外戚恩澤侯霍山封邑明註云東郡則又非他處可

知此皆事之不可以臆測者至並為侯國王莽之清治

清本屬東郡沈氏云平原誤也矣漢章帝建初中更從今名也

漯水又北逕聊城縣故

城西城內有金城周匝有水南門有馳道絕水南出自

外泛舟而行矣東門側有層臺秀出雲表魯仲連所謂

還高唐之兵卻聊城之衆者也清按寰宇記博州聊

文所立為鄴東之表水經曰武水東流漯水又東北逕

清河縣故城北地理風俗記曰甘陵故清河清河在南

一十七里今於甘陵縣故城東南無城以擬之直東二

十里有艾亭城東南四十里有此城疑即清河城也後

蠻居之故世稱蠻城也

東北逕博平縣故城南有層臺秀上王莽改之曰加睦

也右與黃溝同注川澤黃溝城聊城郭水水泛則津注

水耗則輟流自城東北出逕清河城南又東北逕攝城

北春秋所謂聊攝以東也俗稱郭城非也城東西三里

南北二里東西隅有金城城卑下墟郭尚存左右多墳

壠京相璠曰聊城縣東北三十里有故攝城今此城西

去聊城二十五里許即攝城者也又東逕文鄉城北

又東南逕王城北魏太常七年安平王鎮平原所築世

謂之王城太和二十三年罷鎮立平原郡治此城也全

日按魏書地形志所謂太平鎮者也但據志則以太和

平原之為郡固久矣黃溝又東北迤左與漯水隱覆勢鎮河陸東

出於高唐縣大河右迤東注漯水矣地理志桑欽曰漯

水出高唐余按竹書穆天子傳稱丁卯天子自五鹿東

征釣於漯水以祭淑人是曰祭邱己巳天子東征食馬

於漯水之上尋其沿歷逕趣不得近出高唐也桑氏所

言蓋津流出次于所聞也俗以是水上承於河亦謂之

源河矣禹貢錐指曰源河乃漯之再出者桑欽唯知出此而不知起東武陽則疎矣河既與漯合復分為二

唐以西南至武陽河在北矣今禹城縣南有源陽故城東蓋自高

源河之北故名一清按上條經云又有漯水出焉酈以

東武陽隸之而漢志則引桑欽之語以為漯水出高唐後人猶指水經為桑欽作豈其然乎漯水又東

北逕援一清按漢志作瑗縣故城西王莽之東順亭也杜預釋

地曰濟南祝阿縣西北有援城漯水又逕高唐縣故城

東昔齊威王使盼子守高唐趙人不敢漁于河即魯仲

連子謂田巴曰今楚軍南陽趙伐高唐者也春秋左傳

哀公十年趙鞅帥師伐齊取黎及轅毀高唐之郭杜預

曰轅即援也祝阿縣西北有高唐城漯水又東北逕漯

陰縣故城北縣故黎邑也一清按春秋傳註作犁邱漢武帝元光三

年封匈奴降王昆邪為侯國王莽更名翼成歷北漯陰

城南伏琛謂之漯陽城一清按是註可與下經註相參證南有魏沈州

刺史劉岱碑地理風俗記曰平原漯陰縣今巨漯亭是

也潔水又東北逕著縣故城南

一清按漢志濟南郡著縣師古曰音竹庶反又

音直庶反而韋昭誤以為著龜之著字乃音紀交反失之遠矣

又東北逕崔氏城北春

秋左傳襄公二十七年崔成請老于崔者也杜預釋地

曰濟南東朝陽縣西北有崔氏城潔水東北逕東朝陽

縣故城南漢高帝六年

沈氏日本表是七年

封都尉華寄為侯國

地理風俗記曰南陽有朝陽縣故加東地理志曰王莽

之修治也

一清按漢志濟南郡朝陽縣應劭曰在朝水之陽至續志始加東字後漢書耿弇傳云從

朝陽橋濟河以渡章懷註曰朝陽縣名屬濟南郡在朝水之陽城在濟水北有潔河在今濟州臨濟縣東亦見

濟水篇注潔水又東逕漢徵君伏生墓南碑碣尚存以明經

為秦博士秦坑儒士伏生隱焉漢興教于齊魯之間撰

五經尚書大傳文帝安車徵之年老不行乃使掌故歐

陽生等受尚書於徵君號曰伏生者也潔水又東逕鄒

平縣故城北古鄒侯國舜後姚姓也又東北逕東鄒城

北地理志曰千乘郡有東鄒縣潔水又東北逕建信縣

故城北漢高帝七年封婁敬為侯國應劭曰臨沛縣西

北五十里有建信侯城都尉治故城者也

全氏曰婁敬以關內侯號

建信耳是虛名非封國也故史漢表中俱不列敬封爵而地志亦不稱建信縣為侯國然應劭載有建信侯城之名則又何居考漢家關內侯之制不得稱國而未嘗不有食邑蓋敬所食邑在建信故以名其城焉潔

水又東北逕千乘縣二城閒漢高帝六年以為千乘郡

王莽之建信也章帝建初四年為王國和帝永元七年

改爲樂安郡故齊地伏琛曰千乘城在齊城西北一百

五十里隔會水即潔水之別名也又東北爲馬常坑

按馬常坑即馬車瀆見淄水注坑東西八十里南北三十里亂河枝流

而入于海河海之饒茲焉爲最地理風俗記曰潔水東

北至千乘入海河盛則通津委海水耗則微涓絕流書

浮于濟潔亦是水者也禹貢雖指曰此自西漢末以迄後魏潔川之源委也

又東北過楊虛縣東商河出焉

地理志曰楊虛平原之隸縣也一清按漢志平原郡有樓虛無楊虛齊氏曰樓乃楊之譌當以水經注正之然功臣表元帝封樓虛侯訾順而范史馬武亦封楊虛侯續志無樓虛并無楊虛似是明章以後所省樓虛楊虛二名並見漢封抑或原是楊虛後改樓虛東京始建旋復故稱迨乎廢并杏爾

無聞如以爲誤殆不然矣漢景帝四年以封齊悼惠王子將廬爲侯

國也一清按景帝史漢表皆作文帝將廬漢表作將問注從史表城在高唐城之西

南經次于此是不比也商河首受河水亦潔水及澤水

所潭也淵而不流世謂之清水自此雖沙漲填塞厥迹

尚存厯澤而北俗謂之落里坑逕張公城西又北重源

潛發亦曰小漳河商漳聲相近故字與讀移耳一清按元和郡

縣志云漢鴻嘉四年河水泛溢河隄都尉許商鑿此河通海故以商爲名禹貢雖指曰南河行大河之南潔水之北改次于四瀆津之下高唐潔水之上緣道元有不比之糾也商河又北逕平原縣

東又逕安憲縣故城南又東北逕平昌縣故城南又東

逕般縣故城南又東逕樂陵縣故城南漢宣帝地節四

年封侍中史子長為侯國全氏曰按褚表史子長名高商河又東逕

枋鄉縣故城南高后八年封齊悼惠王子劉辟光為侯

國也沈氏曰按本表是文帝四年封王莽更之曰張鄉也應劭曰般縣

東南六十里有枋鄉城故縣也沙溝水注之水南出大

河之陽泉源之不合河者二百步其水北流注商河商

河又東北流逕馬嶺城西北南流屈而東注南轉逕城

東城在河曲之中東海王越斬汲桑於是城全氏曰此語出晉書

然其實是并州乞活之田甄田蘭所斬非越也商河又東北逕富平縣故城北

地理志曰侯國也王莽曰樂安亭應劭曰明帝更名厭

次關駟曰厭次縣本富平侯車騎將軍張安世之封邑

非也按漢書昭帝元鳳六年封右將軍張安世為富平

侯薨子延壽嗣國在陳留別邑在魏郡陳留風俗傳曰

陳留尉氏縣安陵鄉故富平縣也是乃安世所食矣歲

入租千餘萬延壽自以身無功德何堪久居先人大國

上書請減戶天子以為有讓徙封平原并食一邑戶口

如故而稅減半十三州志曰明帝永平五年改曰厭次

矣按史記高祖功臣侯者年表高帝六年封元頃為侯

國徐廣音義曰漢書作爰類全氏曰十字注中注是知厭次舊名

非始明帝蓋復故耳一清按小司馬云漢志關蓋疎忽之甚耳縣西有東方

朔冢冢側有祠祠有神驗水側有雲城漢武帝元封四

年封齊孝王子劉信為侯國也

一清按索隱曰志屬瑯琊又史表是元狩漢表

是元商河又分為二水南水謂之長藜溝東流傾注於

海一清按郡國志平原郡鬲縣劉昭補註溝南海側有引魏都賦曰縣有蓋節淵疑即長藜溝

蒲臺臺高八丈方二百步三齊略記曰鬲城東南有蒲

臺秦始皇東游海上於臺下蟠蒲繫馬至今每歲蒲生

縈委若有繫狀似水楊可以為箭今東去海三十里北

水世又謂之百薄瀆東北流注于海水矣一清按全氏校本於此注

下增又東北過高唐縣東經文一條子謂非也上文注云城在高唐城之西南經次于此是不比也則經文楊

虛宜在高唐之前矣而下文大河又東北逕高唐縣故城西當直接前漯水入海之下緣經之誤文義遂乖隔

爾大河又東北逕高唐縣故城西春秋左傳襄公十九

年齊靈公廢太子光而立公子牙以夙沙衛為少傅齊

侯卒崔杼逆光光立殺公子牙於句瀆之邱衛奔高唐

以叛京相璠曰本平原縣也齊之西鄙也大河逕其西

而不出其東經言出東誤耳大河又北逕張公城臨側

河湄魏青州刺史張一清按張下失其名魏青州後魏

治梁鄒領平原高臨濟在平廣宗高唐六縣屬齊州不屬青州隋書地理志正義曰德州平原縣南六十里有張

州未久而廢史記正義曰德州平原縣南六十里有張公故城水東有津焉俗名張公津恐此平原郡古津也

魏書張彝傳曾祖幸位青州刺史祖準之又為東青州刺史東青州暫置旋廢未必更有一張姓者葢其土或

即以彝貴重故稱張公云治此故世謂之張公城水有津

焉名之曰張公渡河水又北逕平原縣故城東地理風

俗記曰原博平也故曰平原矣縣故平原郡治矣漢高
 帝六年置王莽改曰河平也晉灼曰齊西有平原河水
 東北過高唐高唐即平原也故經言河水逕高唐縣東
 非也按地理志曰高唐灤水所出平原則篤馬河導焉
 明平原非高唐大河不得出其東審矣大河右溢世謂
 之甘棗溝水側多棗故俗取名焉河盛則委泛水耗則
 輟流故瀆又東北歷長隄逕灤陰縣北東逕著城北東
 為陂淀淵潭相接世謂之穢野薄河水又東北逕陽阿
 縣故城西漢高帝六年封郎中萬訢為侯國應劭曰灤
 陰縣東南五十里有陽阿鄉故縣也

一清按漢志上黨郡有陽阿縣非河

水逕流之地平原郡有阿陽縣與灤陰縣相近萬訢史
 漢表皆無其姓名表有陽河齊侯其石索隱曰縣名屬
 上黨是知河字誤也當作陽阿陽阿與阿陽其文互易
 因致混淆漢書孝成皇后傳云屬陽阿主家師古曰陽
 阿平原之縣也今俗書阿字為河字又或為河陽皆後
 人所妄改耳方輿紀要濟南府臨邑平原高盧此即著
 南五十里秦縣漢書灌嬰收著灤陰平原高盧城在禹
 也灤陰城在縣西十里本齊之犁邱邑阿陽城在禹城
 漢縣屬平原郡後漢省太平寰宇記云阿陽城在禹城
 縣南七十里漢魏以下卻改為陽阿然在阿陽之在平
 原審矣鄴氏既誤記陽阿為訢封邑而沁水篇注陽阿
 縣下又引卡訢乎撰述之難也書成一而沁水篇注陽阿
 卷猶有斯繆信乎撰述之難也書成一而沁水篇注陽阿
 陽非上黨之陽阿陽齊侯其石封邑也然訢名不見
 于史漢表則以世本漢書多脫失是以班固云高祖百
 四十七人今實數之得百三十三人耳訢亦在失亡之
 中矣不然道元既記于此而三十三人耳訢亦在失亡之
 造作耶但此篇作萬訢沁水篇又作卡訢萬古省作万
 與卡字相似不妨
 兩存其疑義耳

又東北過潔陽縣北

河水自平原左逕安惠城東而北為鹿角津東北逕般縣樂陵枋鄉厭次縣故城南為厭次河漢安帝永初三年劇賊畢豪等數百乘船寇平原縣令劉雄門下小吏所輔浮舟追至厭次津與賊合戰並為賊擒輔求代雄豪縱雄於此津輔一清按輔下有脫文范史劉茂傳豪應沒其可謂孝盡愛敬義極君臣矣河水右逕潔陰縣故城北王莽之臣武縣也一清按此北潔陰也伏琛之脫去潔陽縣故并王莽所改臣武之名亦失之又臣武孫潛夫校本作巨武巨字是也前北潔陰注引地理風俗記云今巨潔亭潔水即武水故新莽有巨武之稱河水又東北為潔沃津在潔

沃縣故城南王莽之延亭者也地理風俗記曰千乘縣西北五十里有大河河北有潔沃城故縣也魏改為後部亭今俗遂名之曰右輔城河水又東逕千乘縣故城北伏琛之所謂千乘北城者也

又東北過利縣北一清按漢志齊郡利縣續志樂安國利故屬齊又東北過甲下

邑濟水從西來注之又東北入于海

河水又東分為二水枝津東逕甲下城南東南歷馬常坑注濟經言濟水注河非也河水自枝津東北流逕甲下邑北世謂之倉子城又東北流入于海淮南子曰九折注于海而流不絕者崑崙之輪也尚書禹貢曰夾右

碣石入于河山海經曰碣石之山繩水出焉東流注于
 河河之入海舊在碣石今川流所導非禹瀆也周定王
 五年河徙故瀆故班固曰商竭周移也又以漢武帝元
 光二年河徙東郡更注勃海是以漢司空掾王瓚按漢
 書儒林傳琅邪王橫平仲傳言曰往者天嘗連雨東北
 古文尚書溝洫志亦作王橫言曰往者天嘗連雨東北
 風海水溢西南出寢數百里故張君云禹貢雖指曰後
 義並引張氏地理志張氏不知其名豈即所稱張君耶
 程大昌以為張揖按隋書經籍志有魏博士張揖撰廣
 雅二卷而無張氏地理碣石在海中蓋淪于海水也
 志未審張君是揖否碣石在海中蓋淪于海水也
 雖指曰按道元卒于魏孝昌二年歲在丙午下距齊文
 宣登碣石之歲天保四年癸酉凡二十八年而文宣所
 登乃在營州前此未聞營州有碣石疑是時平州之碣
 石已亡故假營州臨海之一山登之以修故事不然豈

有舍此登彼之理自是以後登碣石者無聞焉妄意推
 測碣石之亡當在魏齊之世丙午至癸酉二十八年間
 也昔燕齊遼曠分置營州今城屆海濱海水北侵城垂
 淪者半王瓚之言信而有徵碣石入海非無證矣禹貢
 曰薛氏曰河入海處舊在平州石城縣東望碣石其後
 大風逆河皆漸于海舊道堙矣又曰王橫曰往者天嘗
 連雨東北風海水溢西南出寢數百里九河之地已為
 海所漸矣九河但堙塞耳而橫云為海所漸世莫不痛
 詆之而百詩獨為余言曰九河若作逆河則未為不是余
 領之而未嘗有以見其誠然及讀薛氏語始知古人先得
 我心又曰九河之地為海所漸王瓚之言誠未之有也
 昌云酈道元亦謂九河淪于海而善長實未之有也
 按酈氏三言碣石淪于海中而九河不從橫說第五卷
 河水注云自禹般東光河間樂成以東城地並存川瀆
 多亡第十卷漳水注云九河既播八枝代絕遺迹故稱
 往時存此與許商鄭康成所言如出一口而程氏與
 碣石連舉遂使酈亭負此長冤吁可怪也按酈註
 引王橫之言以證碣石淪海而九河為海所漸

水經注釋卷五終
概從刪削卓見特識得東樵爲之闡明善哉言乎薛氏
名季宣字士龍永嘉人宋史儒林傳焦氏經籍志書古
文訓十六卷
薛季宣撰著

水經注釋卷五終

海甯錢保塘
華陽吳祖椿覆校

